

PL

1420

F35

1666

v. 9

1973

通雅卷之十八

桐山方以智密之輯著

同里姚文燮經三較訂

身體

鼻祖先生任督消息之自也。○胚具命門生鼻隧爲小環而漸長成形卽爲任督二脈之宗隧脈生脾肝肺心生其勝已者心生小腸大腸膽胃膀胱三焦生其已勝者謂之鼻祖言氣息也將寐則目不用已而耳不用鼻息則寤寐一如耳目橫而鼻中直鼻從自界聲篆𠂔卽鼻天界也以二孔相代錯生息而消息也自心之籥也臚音亘信也任任其下督督其上

焦泌三焦泌汁于三隧也。營衛歸宗而呼吸晝夜爲脈會。人身之天地也。○受天地之中以生中。未易言。姑以身而物之。頂圓額孩音方。天地定位也。鼻岳口鼎。山澤通氣也。眼外耀而舌下津。水火不相射也。喉出響而耳收聲。雷風相薄也。臟腑應運氣。十二經應時。半舉之六爻也。骨節三百六十五。周天也。宗氣搏而積于臆中。行上焦呼吸爲一隧。中焦泌音必水穀之精氣。注肺應刻數。化血榮四末。行經脈中。曰榮隧。行分肉之間。下焦別迴腸。濟泌滲膀胱。曰衛隧。太陰肺主內。太陽胸主外。而平旦會于寸口。子午用卯酉。帝出夏時。非其徵邪。任督叶之。晝夜五十營。行八百一十丈。爲萬二千五百息。石齋先生疑與易策異。智嘗窮之。

蓋洛書之數也。六十四日大周，爲八十六萬四千息，而具策會矣。

五倉五藏也。六腑納輸而臟本藏也。○谷永諫成帝，化色五倉之術。左道欺罔。李奇曰：思身中有五色五倉神，則不飢不死。今醫言倒倉，其遺也。子雲夢五藏墮地，內經脾爲孤藏，統文志五藏六腑。後加艸肉作臟，臟陰通于氣喉，腑陽通于食咽。人身惟此二道。

魂魄亦稱營魄，精神氣化也。○老子載營魄抱一。京山曰：卽魂魄。焦氏翼：訓營爲魂。太玄告魂，魂萬物動而常冲。智按古讀魂爲云，以韻解義，故曰魂營營也。孝經說魂芸也。白虎通魂者云。

也。又按薛君章句：聊樂我員，作魂則魂音云明矣。鬱儀作魂魄，晶神。鄭作精神，精由情生。神申于天。易曰：精氣爲物，游魂爲變。祭義曰：神者氣之盛也。魄者鬼之盛也。子產曰：既生魄，陽曰魂。書曰：徂魂升落。魄降。關尹曰：精神，水火也。精無人，神無我。神動名意，意動名魂。凡造化所妙，皆吾魄。所有皆吾魄。醫言腎藏精爲命，心藏神爲性。子瞻曰：志勝氣爲魂，氣勝志爲魄。黃勉齋曰：精之神曰魄，氣之神曰魂。愚者曰：氣古氣字，氣乃餘也。因氣化而形化。聖人重在理化，理與心來，知則能用心之精神，是謂聖。泯則本泯也。心之精，必親已而疎物。心之神，必用外以爲內。精神皆氣也。精凝氣而神，神則統精氣。性命一陰陽也。然有轉陰

陽傳精神盡性命者可茫然邪。聖人合內外形神虛實而明其中之理。故善用其神化不則且爲精神性命陰陽所惑。

戴干豐上也。○面額高滿曰戴干。乾鑿度云泰表戴干。鄭氏注云表者人形干盾也。隋書王劭言上有龍顏戴干之表。禪師有豐干因貌以爲號。仲任言顓頊戴午。恐是戴干之訛。然子才昭明敬甫皆謂古午作干。或取此邪。

大宅面王也。○內經言面王面部也。黃庭經曰靈宅旣清玉帝遊梁丘子注曰面爲靈宅一名大宅。大洞經曰面爲尺宅。或作赤澤。七發曰滿于大宅。泰之揣枚乘在漢已見道書。而李善等不詳所出。

輔銘言輔頰與顙也。○爾雅目上爲名，猗嗟名兮，注曰爲可名也，支矣。升菴云：玉篇引此句作顙，眉目之間也。智按：大玄輔銘也，支矣。升菴云：玉篇引此句作顙，眉目之間也。智按：大玄輔銘滅麋，言陷及頰顙以沒眉，猶易涉滅頂也。西京賦眊眊流眄，注眊，眉睫之間也。不知引爾雅目上爲名，郝氏亦未收西京之眊。滅麋卽滅眉，古通也。荀子須麋卽須眉。孟康曰：眉上爲衡。陳崇奏莽功德曰：盱衡振色。續博物志曰：楊雄謂揚眉曰揚衡。梓師注：仲師曰衡，麋衡也，卽謂眉衡。今謂眉顙，面曰曰龐。或敏，拇文也。○詩履帝或敏，爾雅注：拇迹也。或與無曼莫毛通轉，而岷汶砥砭通用，故知或爲拇，敏爲文，蓋謂足拇之迹文也。禮布或謂步也，詔佑或方，卽無方。呂覽出桴瓦缶，或臬從之，謂

眊噪也可推古之聲通

腹尺言腹肥也○三國志趙稚長有腹尺故正平咲之後人或稱腹負因東坡腹負將軍語或云是黨進

柏耳迫耳也○北史許公宇文述素好著奇雲定興曰入內耳冷乃製挾頭巾令深柏耳人學之名爲許公栢勢按栢與迫通瓠子歌栢冬日漢高曰栢人者迫于人也

八彩謂八脊其跳踦跳也參漏滲漏也此脇卽駢脇末僂謂背僂也○尚書大傳曰堯八脊舜四瞳子禹其跳湯扁文王四乳八者如八字也其跳者踦也扁者枯也淮南言禹耳參漏謂滲漏今之漏耳論衡遂曰三漏荀子言仲尼蒙俱如蒙魃頭也傳

說如植鰭言乾瘦也。論衡言重耳張儀叱脇。周公背僂。皋陶馬口。孔子反羽。謂反唇也。莊子曰老萊子之弟遇仲尼曰。修上而趨下。末僂而後耳。末僂。謂背在後爲末也。史記注言老子耳有三門。謂耳門三曲也。管子曰。子產曰角。晏平仲月角。尾生犀角。柳下惠史魚反角。角者額也。日言滿月言闕。犀謂直骨隱起。犀角在中也。反謂拘骨也。方言倚畸。奇也。體不具。謂之畸。傳曰畸閭而語。淮南曰。男女切畸。皆奇足邪倚。管子必有管。屨趾畸。猶今之言踣也。後人用箕踞。卽其跳之畸也。古作甘。卽箕字。借爲語詞。舊注其跳之其爲助語者非。

差肩。猶比肩也。肩迫猶駕肩也。○阮籍莊論曰。闕鑑整飭。推季

蹠踵差肩而坐。猶豫相林。差肩言駢集層次。相林猶言相視如林。此嗣宗字法也。田儋傳併肩而事主。師古曰。併音步鼎反。嚴大子哀時命曰。衆比肩迫兮。蕪城賊言駕肩。狀濟濟也。肩迫則猶有競進之意。

曾撓猶曾波也。○招魂曰。娛光眇視。目曾波些。曾重也。摹寫娛咲輕眇。回波層折之態。已極致矣。大招用曾頰。淮南修務訓。流眄曾撓。正謂眇視若咲也。

肺腑。或作柿附。肺附。肺附。○史記成安傳。蚡以肺附爲京師相。注如肺肝相附著。季表諸侯子弟若肺腑。注作柿附。如札柿之附木。太玄親首。肺附乾鏃。注肺削也。柿附木。如肺附肝中。

山王靖傳得蒙肺附。劉何封事。臣幸託肺附。又後漢盧芳傳。以肺附之故。赦臣芳罪。按當以肺附爲正。諸借音。或形近而通用。注者不知源流。各爲曲說。說文肺。金藏也。芳。吠切。皇。食所遺也。从肉仕聲。易曰噬乾食。阻。史切。揚雄說食作肺。楷別之作肺。故形近肺而亂也。腐。爛也。扶。雨切。藏府作臟腑。則肉在旁在下何別乎。故作附。國策汗明曰。尾湛附漬是也。

禿。揭。謂禿髻也。○明堂佐注。齊人謂無髮爲禿。揭。丁。度作禿髻。亦作髻。博雅廣韻作禿鬣。音丘八切。梓人顧注。鄭司農云。讀如鬣。頭之鬣。疏曰。今以無髮爲鬣。田蚡曰。其一禿翁。

足以大指爲將。手以中指爲將。小指爲季指。漢以食指爲噤。鹽

指。○闔廬傷將指。注足大指也。宣四季注疏五指。巨指食指將指。無名指小指。定十四季注。則明手以中指爲將矣。儀禮少牢饋食禮。詩懷之。掛于季指。注詩猶承也。季猶小也。服虔曰。食指。俗所謂噉鹽指也。故知是漢語。康成注儀禮飯大擘。指本也。姚文燮曰。唐皇甫松以蹲鴟釣戟玉柱潛虬奇兵爲五指名。

欲失。自戀其軀也。○淮南子原道訓曰。欲失之心亡于中。則饑虎可尾。注失。古肉字。太玄數五。五爲土。爲食爲失。古樂苑載吳越春秋。古孝子彈歌曰。斲竹續竹。飛土逐失。但从厶从六。或古籀之形。訛邪。諸書不收。惟孫愐收之。以爲俗作失。顏元孫亦曰。失俗肉字。推論寅从灾。當古有肉字。訛爲失。

眇中。俠季脅兩旁虛奐處也。○素問曰。冬脈不及。令人眇中清。
王冰注云。眇在季脇下。俠脇兩旁虛軟處。腎外當眇。今唐韻韻
會字彙。日月燈皆遺眇字。當音渺。

撓脰。言屈體也。○荀子曰。屈要撓脰。古獲切。郝後曲節中也。王
冰曰。肘郝後肉如塊。謂之脰。後人因謂脰卽脰。非也。脰渠隕切。
素問曰。脫肉破脰。或曰腹中胎也。智謂脰當音肫。謂腹中之積
聚成形塊膜也。

嫫婁。言憔悴而妍也。○李夫人傳。嫫婁。注瘦曰嫫。冥。嫫音憔。言
以瘦而美也。

頤折頤。頤卽頤也。○子雲解嘲。言蔡澤以噤吟而笑。唐舉注。

領頤之貌。又曰蔡澤領頤折頰。說文領低頭也。五感切。左傳迎于門者。領之而已。領領也。頤頤也。嚼頤也。領面黃也。万感切。按領是班超焚領。楚詞頤領之領。而今左傳作領之。何與領混。集韻又作𦣻頤。若諸字爲重文。何故又互訓邪。必後人各附矣。孫恒領又音欽。或作領。周燮傳用欽頤蹙頰。亦此音直書也。則領與領訛邪。抑侵覃通邪。鄭氏謂噤吟卽領頤之訛。初學記蔡澤欽頤。乃欽之訛。

耽耳卽儋耳。○淮南曰耽耳在其北方。注耳垂肩上。漢南海有儋耳郡。注作瞻大耳。說文𦣻曼無輪廓曰𦣻。老𦣻以此名。子長疑太史儋卽老𦣻。則儋瞻𦣻一字。今儋州卽儋耳。好戴椹帽。如

太笑其屠蘇障日覆兩耳之意乎。淮南在北方。或訛舉。或同名乎。互詳方域離耳。

匾匾蹙髑髑鼻莖也。○蔡澤局鼻魑顏蹙髑膝攣。卽孟子之蹙頰也。髑又作顛。烏曷切。法華經鼻不匾匾。謂蹙也。周熒傳澤歛頤蹙頰。注頰鼻莖也。

髑髑本作結括。髮髑髑本于婀娜。連髮言蓬首也。○髮髑髑上卽果切。下吐火切。髑髑鬆慢貌。髑髑髑皆後人所加。古但作結括。說文有髑。士冠禮曰。將冠者采衣紒。注曰古文爲結髑。音計括。括或通作會。莊子會撮指天是也。鬆亦作髑。髑本爲髮隋。記曰子生三月之末。剪髮爲髑。男角女髑。否則男左女右。鄭氏曰夾凶。

曰角。午逢曰羈。李陽冰本曰墮也。隋削肉也。蓋因夾凶之髮爲角。偏存爲羈。詩髮彼兩髦。注象幼時髻。親沒不髦。古有猗儻阿那之語。因有姍姍髮髻。列子有擇倭倭者。左克明樂府讀曲歌。逋髮不可料。逋髮髮散亂也。首如飛蓬。託怨之詞也。頭如蓬葆。則苦狀矣。孫壽作墮馬髻。後人因爲拋墮。宋元嘉時作飛天紛。始自東府。近世作蓬頭。卽飛天之意。古讀結如髻。李陵椎結。注音髻。又謂之紐。小顏注急就曰紐。謂結之髻也。髻卽髻字。

踳踳卽徒踳。○說文踳。

音拘

天寒足踳也。鄭氏以徒踳音勾。跳也。

史張儀曰虎賁之士踳踳科頭。裴駟曰跳躍也。投石超距。亦跳越也。集韻曰偏髻一足曰踳踳。或作猗趨。或謂是筋斗。智按是

眇。眇，目眇也。○師古曰：眇，謂眇覲，目之蔽垢也。眇，目眇傷赤也。黃氏曰：眇，目汁凝也。眇，充支切。覲，音堦。眇，本眇，與昧通。宋玉風賦：得目爲眇。廣韻作眇。易緯作病眇。急就亦作眇。古作眇。

露骨曰骼。肉腐曰𩚑。○說文禽獸之骨曰骼。古覈切。鳥獸殘骨曰𩚑。𩚑可惡也。明堂月令曰掩骼薶𩚑。資四切。或作𩚑。今文作埋。𩚑非專指禽獸骨也。釋文以露骨有肉分之。呂覽作𩚑。周禮庶氏註作殞。集韻作𩚑。聖母帖霄骼鮮𩚑。

[illegible]

鼻齠齠而刺天音寥類戴埴音寥弔王延壽王孫賦鼻齠齠以
齠齠齒崖崖以齠齠齠音刳齠音吼齠音吸齠音呬又曰唇齠
齠以齠規齠脰而齠暘齠音麻齠音披規音現閤口貌初學
記齠作齠脰音梳脰宜作脰音爰齠音覓暘音陽如此等字他
無所見恐文考亦未免齠釘耳按齠鼻翕氣也欲與齠通齠齠
卽齠欲世說許璪于丞相帳齠臺大齠由相如佗儼不前之語
陸法言齠齠齠噫之字思之則齠臺固晉人常語也鼠璞曰衛
恒齠齠王沈齠齠成公綏勞曹今之甞談古人已用之可知此
類皆當時之方言也

頽首猶言頭面淨好也○說文頽好貌詩所謂頽首疾正切箋

曰樂工類倡優弄人。一曰顙俗用淨字。或疑是靚字。此詩應是逸詩。然其意可得而解也。或是詩之螭首。漢人別本作此字。

負牆負宸負劒皆狀其背也。○禮負劒辟咎召之注。負謂置之於背。劒謂挾之於傍。永叔作瀧岡阡表云。回顧乳者。劒汝而大於傍。升菴方稱其妙。智按。負古與背通。如周公負宸。子夏負牆。而大胸胸之貌。豈謂背上堆牆乎。負劒言負者以手撫童子之肩背。若負劒然。豈必挾之如帶劒乎。如戟手。謂交手也。亦將曰帶戟乎。

宣髮。蒜髮也。○升菴曰。宣轉第三聲爲蒜。今少季白髮曰祿髮。徐文長則謂勞心計算。則髮易白曰算髮。易與寡髮。古本作宣。

髮。仲師曰：頭髮皓落曰宣。宣其半白乎？智疑是寡之訛。

募。俞：胸與背也。○內經曰：治之膽募俞。注曰：胸腹曰募，背脊曰俞。漢書西域傳：錢面錢幕。幕謂背也。倉公傳：爪幕。按背穴也。

飢。飢，痿痺也。○枚皋傳自詆嫗。飢，飢曲隨其事。是借飢飢爲委被之意也。相如大人賦：容以飢麗。今文選崔錯發飢類篇曰：飢，脛曲也。小顏曰：飢，古委字。唐韻：飢音靡。戴氏部美切。說文：骨耑飢，集也。說郭載朱昂續飢飢集。作飢飢誤。按晁氏志：晦翁從父朱弁作飢飢說。飢从凡，俗作九。六書總要作飢。馬援與隗囂將楊廣書：萎腰咋舌，卽謂飢也。

淡陰。卽痰飲。○古醫方有淡陰之疾。俗作痰飲。升菴言初月帖。

淡悶干嘔。卽痰悶乾嘔也。南齊書豫章王嶷遺命于飯檳榔。
掣縱曰瘕瘕。手足掣縱卽筋惕肉眴也。○瘕尺世切。瘕音縱。賈
長沙用跋韞亦謂掣縱反戾也。傷寒疆急角弓反張掣縱爲瘕。
瘕一作瘕。音顛厥掣縱曰癇。小兒多有之。漢藝文志有瘕瘕方。
說文作瘕。瘕疾从疒依正韻可。

噤痺。感寒健忍之狀也。○說文曰寒病也。孟郊詩燦毛各噤痺。
又作疹疹。疹上聲。痺所禁切。

酸痛。猶酸劑也。脛痠骨酸也。○周官春時有瘠。音首疾。管子曰

其泉白青。其人終無瘠醒。說文曰酸痛頭痛。鄭玄曰酸劑也。瘠

音亦酸痛。素問曰痿厥喘瘠。又曰脛痠卽酸。列子曰心痛體煩。

類篇曰骨酸也。合溪引說文曰死音酸瘠也。周禮死瘍注亦謂
禿也。故史游曰痴死。

漂疽卽癰疽。○千金方肉中忽生點豆腫泡逐鍼入藏者死。名

曰癰疽。南人名曰羽著毒。通作漂。莊子曰漂疽痲癰與癘音同。

最惡者曰瘰癧。左傳曰荀偃瘰音疽。生瘍于頭。素問曰消瘰。伏

熱也。又曰瘰成消中。王砮曰溼熱也。又瘰虐但熱。當音單。

痕瘡。傷痕也。○諸氏榮美切。薛宣傳廷尉引傳曰。遇人不以義

而見痕者。與瘡人之罪鈞。罪不直也。說文曰瘡。痕瘡也。應劭曰

以杖與手毆人。剝其皮膚。青墨而無癰痕。律謂之痕瘡。音指類

篇曰痕。血腫也。呂覽齊王疾瘡。趙凡夫曰方書謂之翻瘡。又謂

之翻胃強以胃作疝大謬

臚脹謂腹鼓脹也。○左傳晉侯將食張卽脹也。急就曰寒氣泄注腹臚脹。臚音閭。脹去聲。鼓脹也。下文又言癰疽癰瘰癧瘵瘵瘵。顏籀曰瘵四體強急難屈中也。瘵似混脹。按碑本作痿疲疾。古庚入陽則疾可讀敞。急就下文病響讓相叶足證。說文臚皮也。通釋曰今人亦言皮臚。易緯云病臚虺。

胝臚。腫厚也。重趼卽重繭。駢躓卽駢胝。○蘇弘家曰胝一作胝。

一作躓。禹稷駢躓。素問曰多食酸則肉胝臚。音支胝皮肉生繭。

不仁也。臚。肺也。莊子手足駢胝。音駢亦稱重趼。重繭。腫瘕胝也。

淮南子包胥曾繭重胝。段熲傳士皆重繭。易林曰胝駢爲疾。又

曰𦵏𦵏爲疾。又與此同。則𦵏𦵏一聲。蓋本用𦵏𦵏。而後人因作𦵏音。𦵏又因𦵏而通乎。轉注略曰。𦵏古人止字。漢隸用爲足𦵏字。說文引𦵏𦵏。臣鉉等曰。𦵏𦵏。今別作𦵏。非泥甚。

𦵏讓。𦵏煩悶也。讓。大便節。蘊積而利也。○此小顏注史游語。節蘊卽所謂五泄之大痕泄。謂後重也。倉公傳不得後洩。正謂頻澀。方言腹滿曰𦵏。注言勅𦵏也。又曰𦵏𦵏。𦵏也。此是漢人語。謂鬱鬱意。說文曰。心中滿。該又曰𦵏寅于下。徐鍇曰。𦵏斥之意。𦵏𦵏可通。𦵏發語聲。故知漢人常語。晉書阮孚告溫嶠。內迫卽謂𦵏也。

𦵏𦵏。凍瘡也。龜手。拘拆也。○莊子不龜手。注龜音均。月令書引

之音斤。此附會較字也。趙充國傳將士寒手足皸瘃。从軍音均。从豕音築。說文曰中寒腫覈。文潁曰寒創也。跣亦訓瘃。向秀曰龜均拆也。司馬彪曰文拆如龜文。則不必改音矣。今或讀皸。愠羝狐腋也。○崔令欽教坊記載范漢女亦是竿木家。開元出內有姿媚而微愠羝。謂腋氣。今所謂狐臭也。

瘖蠡。一作族系。瘖瘰瘖癰。○戴合溪引陸德明言左傳不疾瘖蠡。說文作瘰。或是唐蜀本。凡夫以爲當作瘖癰。智按說文瘖小腫也。一曰族系。鉉曰今作瘖蠡非是。今內經曰烝成痕。鬱乃瘖。卽瘖蠡之病也。

手毒。手心熱者。○黃帝醫書有官能之篇曰疾毒。言語輕人者。

可使唾癰咒病。爪苦手毒爲事善傷者。可使按積抑痺。各得其能。其名乃彰。何子元曰。手毒可使試按龜五十日而龜死。手甘者復生。蓋人手心有火。故能運脾助煖。有極熱者。按物易化。悻盧言愁鬱都盧之狀也。○說苑景公畋梧丘坐睡。夢五丈夫北面悻盧。唐人以撮口不快爲都盧。此言悻悻而都盧也。

目望陽曰望視。○見春秋傳。今日羊眼人。賈山傳戴目而視。言遠望仰視也。

飲沘猶吞聲也。凡聲之吞轉皆可曰飲。○賈捐之傳。飲沘巷哭。師古曰。淚流被面以入于口。故曰飲。此解迂甚。然則鼠思沘血。甚言淚盡繼之以血。思之伏匿如鼠耳。豈真眼中流血邪。梁或

通聲飲正謂吞喉聲也。蔡邕飲章則匿名章矣。

三律者栗髮也。○荀子禮論不沐則濡櫛三律而止。注律理髮也。今秦俗以批髮爲栗髮。當是瀝髮。楚辭晞髮瀝之而晞也。

尸奪卽尸厥也。橋引案杭言矯摩也。○說苑扁鵲言太子尸厥耳中焦焦用八成湯砥取三陽五輸子游矯摩太子復生。韓詩外傳作尸蹶。倉公傳言尸奪者形敝。又曰鏹石橋引案杭揲荒爪幕案摩也。杭音玩則陽篇言橋起橋運謂矯然而起也。管見卽以橋然訓之。呂覽橋言無擇高注橋戾也。孟奇曰杜蘭香別傳呼藥爲消摩。消摩按摩也。智按今搜神記作消魔。小遺小溲也。○漢書東方朔小遺殿上。南史謝幾卿小遺沾令。

史謂小解也。倉公言大小溲前後溲溲溺也。左傳廷以夷射姑旋焉。旋溲也。莊子之偃謂偃處便也。

小通小使也。○韓詩外傳言男八歲而齠十六而精化小通女七歲而齠十四而精化小通水經注曰可以小使皆言人道也。賈誼五餌言偶人無時韓詩言不失時以偶國語丹朱圻身以儀之儀卽偶也。夏小正言綏多士女謂牝合也。

胎肩歛肩猶脇肩。系足猶重足一迹也。○張衡應閒干進苟容我不忍以歛肩。歛卽脇。吳王濞傳脇肩系足猶懼不見釋注脇與翕同歛也。脇肩諂笑韻注云鄭玄箋作胎肩漢書汲黯傳言重足而大謂股弁也。義縱石顯傳重足一迹皆系足之意。系卽

累

介特言單身也。○左个卽左介。介猶閒也。因作界字。昭十四年。收介特。注單身民也。一介行李。介廩俱與个同。此介之爲介也。因作箇。按方言。絰挈儻介特也。物無耦曰特。獸無耦曰介。个音又轉爲奇。古隻字。卽奇字。詳見算數條。今閩中呼个如基字。可想古音。

曰宣。曰磬折。曰跗。曰趺。曰脊。曰脣。曰肉好。曰衝牙。曰渠睂之類。皆以身狀之。○考工半矩曰宣。注宣。人頭之長也。柯半曰磬折。謂人之腰也。豆足曰跗。碑承曰趺。瓦亦曰趺。劒夾曰脊。陶旌有脣。錢曰肉好。佩中衡者曰衝牙。其言面言目。言首言耳。言口言

齒徃徃而是渠睂。玉面之追款也。典瑞璧琖以起度。駟圭璋璧琮琥璜之渠睂。疏璧琮以斂。注鄭司農云。駟外有捷盧也。駟讀爲駟疾之駟。疏讀爲沙。謂圭璋璧琮琥璜皆爲開渠爲睂。琢沙除以斂。尸令汁得流去也。玄讀駟爲組。渠睂。玉飾之溝瑑也。疏曰。六玉兩頭有孔爲溝渠。兩畔稍高爲睂。智按渠魁顙顙。古通。凡言渠魁者。猶頭目也。魁梧魁岸。狀其偉也。此謂玉之瑑款。如人之渠睂然。易之丘頤亦謂渠頤也。笑曰。軒渠皆狀口腮也。又唐時謂人曰渠。今呼如其或坑蛇反。如居亦音基。區亦通丘之類。以此益信古渠魁丘其顙。馘之爲一聲。稱謂之始。人身之形與天地間之形皆相因呼之。溝渠背面無不適合。如培塿陪

尾猶人之背負微高也。溝洫志商顏山額也。陳遵傳井上曰脊。五行志旁著岸脇尾閭如人之後穴。尾上有閭口也。閭之因呂猶門之因肩。

短罷猶短痺也。○司樂注少師曰陂讀爲短罷之罷。此言短痺也。痺轉爲牌音。故罷轉爲擺音。方言嫋嫋通語也。其時已有此音矣。古罷但音罷。借爲疲。今讀罷爲彼駕反。亦後來之轉也。方言委痿謂之隄企。又曰隄陴也。企與跂同。隄本音畸。而轉爲愷。猶矮本从委。而今呼爲藹也。隄有隄音。痺有擺音。故痿有矮音。後漢書童謡見一痾人上天。注卽矮人。足徵古齊微韻。而後轉皆來韻也。詳見諺原。

金口卽噤口。○荀子金口敝舌。金卽噤。古噤唵吟隨用。素問呿
唵閉口爲唵。韓非子楊權篇公子旣眾。宗室憂唵。太玄唵首。皆
與噤同。史晁錯傳恐天下之士。噤口不敢復言。日者傳悵然噤
口不能言。亦作吟。說文口閉也。退之聯句直辭一以薦。巧舌千
皆吟。梁冀傳口吟舌言。謂語訖也。亦噤意。墨子近臣則暗。遠臣
則唵。卽吟。呂覽審應篇君呿而不吟。高注呿開唵閉。是唵訛。
三盆手曰三淹。一作三掩。○祭義縑三盆手。注三盆手者。三淹
也。九縑每淹大總而手振之。以出緒也。智按注疏淹一作掩。釋
文去聲。若以今呼當菴鑑反。

苛癢。一作苛癢疴痒。○內則疾痛苛癢。古本與陸本皆苛癢。一

作疴痒。荷與苛通。故借。

扼腕。一作搯。腕扼拏。扼拏搯。腕。○說文拏从手𠂔聲。楊雄曰。拏。握也。易貫切。敬甫但作𠂔。今作腕。腕。左傳。拔衛侯之手。及扼。士喪禮。設沒麗于拏。自飯持之。設握乃連拏。鄭注拏。掌後節中也。飯。大擘指本也。沒。以韋爲之。設握。綦繫連結之。古文麗爲連。拏作扼。六書故引設握乃連拏。以拏爲古閑切也。智按此切乃孫陸等所附。不足據也。古文奇字曰拏。大篆。拏。拏。古文。按从𠂔。又从手。複矣。智因大篆从月。知爲𠂔訛。據儀禮左傳。當以拏爲正。集韻亦作拏。𠂔。但無卓識。定其原流耳。漢書作臣者。亦象扼形。非从臣也。明有古文拏。何故不从。史記封禪書。莫不搯扼。

自言有禁方。張儀傳作搯腕。亦書作拏。漢書拏擊游談。郊祀志
四方瞋目扼腕。國策偏袒扼腕。隗囂傳王遵與牛邯書。吟嘯扼
腕。搯又作搯。乙革切。圈握也。喪服傳曰。苴經大搯。康成曰。搯。扼
也。中人之扼。圍九寸。

夾脊曰腴。凡肉肥。臠處曰腴。小腹邊肉曰腠。郝端曰。腠。骹骨曰
骹。腠。腸曰踣。水。腠曰髀。踵根曰跟。○急就曰腠。腠。胸脇喉咽。髀
股。腳膝。臠。脛爲柱。踣。蹠。跟。踵相近聚。注。腠。音身。非也。腠。卽寅。爲
寅卯。加作寅。詳見疑始。腠。指腰腹。臠。肉處。如腰。俞亦腰。腠。未可
拘。腹下肥之訓也。直翁引說文。髀。肩前也。徐引詩傳。上殺中髀。
今說文本無此語。必錯本也。集韻作腠。皆音偶。非是。按注疏大

庖不盈毛。傳自左髖而射之。達于右膈。爲上殺。射右脾。達于右
髖。爲下殺。髖。頻小反。王蒼曰。小腹兩邊肉也。髖。蒲禮反。髖一本
作髖。于小反。水。臙也。髖音愚。智考亦入東韻。急就叶柱聚。正愚
音轉。仄也。水。臙。卽腓。閒。顏曰。踣。一作踣。俱時兗反。踝。戶把反。跟
音根。臙。一作臙。音牝。說文。郛。耑也。去聲。黃氏曰。膝蓋骨。爲柱者。
髖。髖之下。如屋有柱也。爾雅曰。髖。瘍爲微。寗戚至髖。是已。脛骨
也。脛。去聲。靈樞經下至髖。髖長九寸。音曷于。與髖混。凡夫曰臙。
訓混臙。臙。丘媿切。郛。脛閒骨也。

兩膊閒曰脾。肩甲卽肩脾。○說文。臙。肩甲也。補各切。按肩甲卽
肩脾。劉平水曰。背脾與胸脇相會闔。後漢張宗傳。中矛貫脾。注

背上兩膊間。膊卽膊。戴仲若以瓦官像面瘦。乃胛肥。大令桓江州帖。胛痛不可堪。而比作書。則是臂膊明矣。

夜耳。言耳垂如掖也。猶之耳食耳剽植耳之字法也。○轉注略。夜音惕。列子師曠方夜耳俛首而聽之。愚謂夜當音掖。方與俛首相洽。漢志東海夜縣。今作掖。禮樂志俠嘉夜。蒞蘭芳。注夜如液。此但證夜有掖音。而嘉夜之意。正不必解也。植耳見淮南耳食耳剽見史記。

頡𪗇當是頡𪗇。○呂覽明理篇引子華曰。亂世之民。長短頡𪗇。百疾高誘注曰。疾病也。長短者。無節度也。頡𪗇。猶大𪗇𪗇也。百疾變詐也。智按說文𪗇。逆也。音忤。字考曰戾也。郭璞曰。觸𪗇音。

晤。又音鹽。莊子作選。孫恂遂收頤字。以義推之。當是頤晤。言臾
臾結音愕逆之狀也。呂覽傳抄筆訛。如顚涿乃瞽字之類。

一瞋卽一瞬。○呂覽安死篇。夫死其死。視萬世猶一瞋也。注頤
川人謂相視曰瞋。一曰瞋者。謂人臥死覺也。智按瞬瞋瞬瞋
一字。莊子曰豚子食于死母。少焉瞬若棄之而走。崔氏曰目動
也。一本作瞬。遠遊篇瞬。注卽瞬。項羽紀項梁瞬藉。又作旬。傷寒
有瞋症。孫恂真韻載瞋瞬爲一。而去聲載瞬瞬瞬瞋爲一。公羊
傳文七季。眈晉大夫。使與公盟。注以目通指曰眈。音舜。一作眈。
訛作眈耳。

殯殍。握遞。病狀也。○瓊敷言半臥半起爲殯。

於帖切

殍。音智。按此

景純解方言也。凡病而不甚曰殫殫。今讀奄帖。又管子入國篇注疾者兩手相拱著而不伸曰握遞。道昭作殫殫。又作燂殫。病也。

月客。姦變也。○說文曰。漢律見姦變不得侍祠。故以丹的注面。謂月事也。神仙服食經曰。仙藥有陽丹陰丹。陰丹。婦人乳汁也。婦人十五已上。下爲月客。有事月客絕。上爲乳汁。熨曰家山道地。以留情嶺名。雙乳。靈源左乳下。蘆花爲右乳下。結藥在乳。尸解。猶言蟬蛻也。○問奇集尸解。音假。方穀城宗之。智按蓋因後漢注尸解者。言登仙假託爲尸以解化也。此以假解之。豈音假乎。又前書燕人爲方僊道。形解銷化。服虔曰尸解也。張晏曰

如山中龍解骨則以尸解注形解甚明。又按唐張果卒好異者奏以爲尸解。胡三省注曰解佳買反。仙家所謂尸解譬猶蟬蛻。蟬飛而蛻在也。此說此音最是。故特表之。漢讀時有方言。陸德明一切取之。而又誤取誤音。學者不攷其原而反執異音相駁。邪。虛舟子曰蛻形見氣。蛻氣知神。蛻神歸空。蛻空明理。蛻理還物。則踐形者神也。談引道家曰形神離則死。而老曰死而不亡者壽。大乘訶鬼窟神我。正須窮盡此心。乃能不惑。

步引道引也。○漢志有黃帝雜子步引十二卷。梁肅有導引圖。序曰朱少陽得其術于黃帝外術。又加以元禽化禽之說。乃演而圖之。隋志有引氣道引圖。唐六典有按摩博士一人。華陀六

禽之戲。此步引之一端也。抱朴子曰：黃帝論導養而質玄素二女著體診，則受雷岐。真西山曰：養生說出于老子。谷神章：莊子曰：伏戲得之以襲氣母。黃帝得之以登雲天。列子天瑞篇引黃帝書曰：谷神不死，是謂玄牝。則此語有由來，而老子引之耳。智按：神仙方伎也。莊子提養生之主明矣。

祝福。因爲祝由。祝尤。咒尤。○說文：福，祝福也。卽祝由。內經有祝由。徐文長引物原曰：禁咒名。越方。漢成信南越而禁咒方始。智按：後漢傳趙炳善越方。漢書有禁方。古有祝科。至漢通外國而更奇。如西域幻人之類。南史薛伯宗徙癰柳樹上。洪邁夷堅志：漂陽巫犁竈灰而骨鯁愈，亦其類也。今太醫院第十三科爲祝

尤。又曰咒尤。爲咒而愈病。如周禮之祝也。

厭代。猶厭世也。○王皞太宗厭代之夕。事出曖昧。史照以厭爲厭魅。胡三省曰。謂升遐也。并觀瑣言曰。厭世字。出莊子。千歲厭世。去而上僊。唐諱世爲代。猶言卽世棄世。捐館之詞。三省未引及此。或曰順世卽厭世之稱。

𦵏肉烟上之俗。猶捐毒之茶毗也。○異聞錄引列子曰。楚南有炎人國。親戚死。𦵏其肉棄之。秦西有儀渠。親戚死焚之。燠則烟上。謂之登遐。然後爲孝。𦵏音寡。博物志亦引此言。事見墨子。周日用曰佛國之法。可知是上古外國之俗也。智按列子作𦵏。依小篆作𦵏。訛爲𦵏。卽朽字。山海經有𦵏塗之山。注與朽同。月令

其臭朽陸作朽可證商氏書音寡誤矣或讀剛字古剛與朽相通如剗之音枯猶枯與朽相因魁與丘相借也韻輯拾遺周禮之廋卽朽字孫愐作疇

通雅卷之十八終

通雅卷之十九

桐山方以智密之輯著

同里姚文燮經三較訂

稱謂

天家大家官家宅家縣官官家皆指謂國家也。至尊亦稱巨公。
崖公。○獨斷曰。百官小吏稱天子曰天家。親近侍從官稱大家。
又曰官家。李濟翁資暇集云。至尊以天下爲宅。故曰宅家。公主
曰宅家子。史記封禪書。老父牽狗言欲見巨公。謂天子也。或作
鉅公。唐語林。唐崇曰。今日崖公甚蜺斗。散樂呼天子爲崖公。以
歡爲蜺斗。宅家訛爲茶家。又訛爲阿茶。

家家嫡母也。○北朝稱天子曰家家。北齊呼嫡母亦曰家家。高
儼矯詔誅和士開曰。士開謀廢至尊。剃家家髮爲尼。是也。呼乳
母爲姊姊。婦爲妹妹。後世宮中總稱孃孃。或以大小東西別之。
蘇轍龍川雜志曰。仁宗謂劉氏大孃孃李氏小孃孃。北國以后
爲閼氏。突厥以皇后爲可敦。北史突厥傳號其妻爲可賀敦。南
齊書魏國傳佛狸所居雲母等三殿。餘食廚名阿真廚。皇后可
孫恒出此廚求食。則以可敦爲可孫也。遼史以皇后爲忒里蹇。
孟侯太子之稱。唐稱長子爲大枓。○尚書太傳太子年十八曰
孟侯。孟侯者。于四方諸侯來朝。迎于郊者。問其所不知也。韓詩
外傳曰。自唐虞已上。經傳無太子稱號。夏殷雖傳嗣。其文畧矣。

至周始有文王世子之制。呂覽太子之不仁。過顓涿。顓音冊。高誘解云。顓涿。不仁之人也。智按說文有聾。卽聵字。又有顓字。癡不聰明也。五怪切。顓其聾顓二字之訛乎。唐紀叙高力士對玄宗曰。但從大祿。注謂肅宗也。金史呼長子爲阿迭。

別子有三。○詩正義諸侯之子。始爲卿大夫。謂之別子。是嫡夫入之次子。或衆妾之子。別異于正君繼父。故曰別子。喪服記曰。別子爲祖。注別子有三。一是諸侯適子之弟。別于正適。二是異姓公子。來自他國。別于本國者。三是庶姓之起。于是邦爲卿大夫。而別于不仕者。皆稱別子也。

古以妾子爲公子。○玉藻公子曰臣孽。孽音五葛反。注適而傳。

世曰世子。餘則但稱公子而已。比之木生之餘。故以臣孽自稱。古人稱私有別。○家臣稱私。士于大夫曰外私。不獨姊妹之夫曰私也。外私見禮記。北道名禾主人曰私。見說文。葵服曰私。見薄汙我私注。

軍將謂之馬容。○隋鑑摩阿馬容刺叔陵注。便鞍馬壯軍容。謂之馬容。

幢主卽部大也。○學海注。北人一部之長呼爲部大。按北史一軍有幢曰幢主。北周分軍主六品。幢主七品。北齊隋又有諸幢主九品。

閣下門下之別。○古者三公開閣。郡守比古侯伯亦有閣。故書

題有閣下之稱。前輩呼刺史、太史亦曰節下。與宰相大僚書。從
從呼執事。言閣下者少。劉子玄爲史官。與監修宰相書呼足下。
韓文公與使主張僕射呼執事。卽其例也。記室賓佐也。他人亦
非所宜。執事則指斥左右之人。尊卑皆可通用。侍者士庶盡可
用之。近日官至使府御史及畿令。悉呼閣下。至于初命賓佐。猶
呼記室。今則一例閣下。其執事纏于舉人。侍者止行于釋子而
已。古多自稱生。尊人爲丈。今則以丈爲見輕忽。而喜爲兄弟之
稱。或稱翁稱臺。崇禎中枚卜。史館可自外入。則有稱老季閣者。
此亦可一咲也。今總以閣下爲尊稱。門下爲輕稱。
丈因于長。○長箋謂古文尤譌爲丈。此非也。長者轉爲去聲。則

借丈通用。且老人有杖。或亦因此。白樂天歲日張侍御二十丈。又殷判官二十三兄。詩云。獨有誇張少季處。唉呼張丈與殷兄。如子美上韋五丈。則是尊長者之稱。

足下之稱。始于晉文。○劉宋劉敬叔異苑曰。晉文公哀介子推。拊木視其屐曰。悲乎足下。

古曰堂老。今曰閣老。○唐以政事堂。故宰相稱堂老。兩省相謂曰閣老。今則尊宰相爲閣老矣。

老龍大龍小龍。皆龍圖學士之稱也。○官龍圖學士。則人稱爲龍圖。其分老龍大龍小龍。詳見官制。

侍御曰端公。○謂殿中侍御史。如今掌河南道者也。其次曰樞

端。唐之裡行。如今試御史。于文定謂今人誤稱宰相爲端公。任一方曰方面。○唐有方面之稱。倪若水傳冗官擢方面。皆以爲下遷。今猶有此稱。曰開府則晉已然。

仕宦轉變曰查郎。○集韻按類說。唐明皇呼人爲查郎。言士夫如仙查。隨流順變。升天入地。能處清濁也。

不歷京官領使者曰鹿官。○唐詩紀事。長安以不歷臺省。出領廉訪節填者。呼爲鹿官。王彥威詩。鹿官到底是男兒。薛能謝寄茶詩。亦用鹿官。鹿从麕省。可知唐人用此字。

稱父不一。○列子曰。家公執席。前漢書郊祀志。天子爲天下父。故曰鉅公。古人稱父祖或曰公。孔融稱先君孔子。安國稱先公。

先人之類可證也。今吳下稱父多曰老相。自江北至北方曰老子。其曰爺曰爹者通稱也。韓退之祭女孥文注爹徒可切。南史歌曰始興王人之爹。赴人急如水火。其韻固當音妥。方言周秦晉隴謂父爲翁。今人作書與子亦自稱阿翁。稱人之父亦曰乃翁。因漢高之稱而翁若翁也。祖爲王父亦稱太翁。齊廢帝稱高祖爲太翁。隋回紇傳以父爲多。演繁露云唐人草檄曰致赤子之流離。自朱邪之板蕩。此朱邪是比人。大昌引之非矣。唐韻爹羗人呼父也。讀若遮。德宗正元六年回紇可汗謝其次相曰惟仰食于阿多。史釋之曰比呼父爲阿多。閩以父爲郎伯。方言曰尊老謂之倭。或謂之父。南楚瀑涯之間。

暴匡兩音水在桂陽

母謂之媼。謂

婦妣曰母娣

音多

婦考曰父娣蓋古通以考妣爲生存之稱古叔

姪亦稱父子如疏廣與兄子受子稱父母古皆謂之大人范滂

稱母嘗稱爲大人北朝南陽王綽兄弟皆呼父爲兄兄

嬭姥諸稱皆母之轉語也○齊人呼母爲嬭李賀稱母阿彌江

南曰阿媽或作姥或呼爲妳因作奶江南呼母曰阿姐皆母字

之轉也說文曰蜀謂母爲姐淮南謂之社黃伯思曰江東人呼

母曰媿庾亮法帖奉告書箱先爲媿子作案未知目何戚也升

菴曰媿一作悽音恃淮南傳假母注假繼母或曰父之旁妻也

小妻也衛青傳民母注民母嫡母也王莽傳劉子輿稱成帝下

妻子唐王鉷傳璿側出子也皆謂婢妾所生

古相謂爲公卿。或尊或卑。隨其意也。○尊稱曰公。謂三公也。漢策此六七公皆亡恙。又相呼曰公。毛遂傳公等碌碌是也。亦相謂爲官。庾信謂蕭韶曰。官今日形容大異。又婦謂舅爲公。賈誼策曰。與公併倨。晁錯父謂錯爲公。史陸賈曰。毋久溷公爲也。則是父呼子爲公矣。次于公者爲卿。故古以卿爲平稱。昭烈遺詔後主。呼子爲卿。亦猶世之稱爾汝耳。顏之推曰。班固書集亦云。家孫婦人卿夫爲不敬。見世說。今士夫家妻稱夫曰尊卿。本此當用夫子先生。如柳下惠妻是也。袁盎字絲。其兄子謂盎曰。絲能日飲亡何。史記作君。是呼叔之字矣。胡毋輔之字彥國。其子謙之呼曰彥國。自貽伊感。是呼父之字也。字子者。孟德下教。

子桓右軍謂子敬飛白大有勢至宗室諸母曰文叔則臣字其君矣

崽田皆子也○江右謂子曰崽音宰水經注曰變童卯女弱季罷田音規升菴曰老人自稱少子曰暮鵲么脉因雉之少子名鵲也

鳳毛之稱因謝莊跨竈之稱因王郎襍識也○宋帝謂謝莊曰超宗殊有鳳毛劉道隆覓之誠可咲也桓公望王敬倫曰大奴固自有鳳毛王朗云家人有嚴君焉井竈之謂也吳崇賀人生子云寄語王渾防跨竈是也其曰橋梓者因商子曰南山之陽

有木曰橋。高高然而上。父道也。陰有木曰梓。晉晉然而循。子道也。何子元曰。康叔所見之商子。卽商容也。

公姓卽公孫。○詩振振公姓。注卽公孫。玉藻縞冠玄纁。子姓之冠。楚語率其子姓。從其時享。越語凡我父兄昆弟。及國子姓。有助寡人謀而退吳者。淮南曰。子之季長矣。子姓有可以使求馬者乎。漢書田蚡傳。跪起如子姓。皆謂子孫。蓋古讀姓如生。白虎通姓者生也。左傳叔孫穆子見庚宗婦人。問其姓。注問其所生子也。女生曰姓。本音同生。故借姓作孫。韻書分鼻音讀生。撮唇讀孫。去聲讀姓。皆後人分之。今人仍分爲便。但執字書之說。以論古人音義。則非。

正的卽正嫡。○韓非子姦劫篇廢正的而立不義卽正嫡。儀禮無適孫。梅福傳聖庶奪適皆謂嫡。

適人卽敵人。○史記田單傳始如處女。適人開戶卽敵人。論語無適也亦然。

由子卽游子。○焦氏易林曰下有由子卽謂游子。

育子。穉子。胄子。○書考異教胄子。史記作教穉子。說文作育子。

錯曰不順子也不順子且教况順子乎。智按姦爲子突出加毓

爲養育省作育安得有不順之意。胄本甲胄从月。卽因胄子而

从肉作胄非也。長子爲頭生子。或長字之音旁轉胄耳。許氏引

教育子。倘見別本乎。又収胄胤也足徵說文非一時一人之書。

係林因係母而名。○漢祿事秘辛一卷有建和元年係林吳姁秘緘事。諸公喜異書而跋者或疑係林。智按漢外戚序無涓。共。和。娛。靈。係林。良使夜者皆視百石。師古曰涓。絜也。無所不潔也。共。卽。恭。娛。靈。以娛樂情靈也。係林安衆如林也。夜者主夜事。按姁與嫗通。宣紀有阿係之功。係林自是係母之稱。娛靈是宮中主祠祀者。無涓之解費力。命名何苦如此。因涓人中涓推之。疑是母涓之訛。

耳孫卽仍孫。○惠記內外公孫耳孫。應邵曰元孫之子也。但耳聞之。李斐曰耳孫曾孫也。晉灼曰元孫之曾孫也。諸侯王表在八世。師古曰平紀耳孫音仍。爾雅仍孫從已而數。是爲八葉。仍

耳聲近。蓋一號也。班氏惟存古名。而計其葉數則錯。王勉夫主此說。

家人家子。○欒布傳爲家人時。師古曰。編戶之人也。轅固傳此家人言。注言童隸之屬。此正合俗所謂家人。郊祀志。家人尚不欲絕種祠。師古曰。家人。謂庶人之家也。馮唐傳。士卒盡家人子。師古曰。庶人之家子也。

下中下輩。下人。宵人。細士。僉人。纖兒。○灌夫傳。薦寵下輩。李廣傳。爲人在下中。師古曰。在下輩之中。許宣后傳。下人。乃關內侯。師古曰。人材下劣。蕭望之傳。下走。班倢伃。賊下陳。皆此謂也。或五子傳。母邈。宵人。小人也。南粵傳。近細士。信諛臣。細士。猶小人。

也。書曰：僉人是也。晉小王曰：好家居。纖兒欲撞壞之。或曰：有卽音是義。故稱宵細僉纖其聲皆小。

尺口。謂家口尺以上也。○董卓殺隗基家尺口以上。自云八口之家。卽稱家口。捉搦歌只生口。謂多此一口也。小兒黃口。因雀借稱。而口數遂云始生爲黃。

姪乃後世以義立字者也。○出之孫曰離孫。言遠離已也。男子謂姊妹之子爲出。女子謂兄弟之子爲姪。公羊傳蓋舅出是也。姪從其姑。對姑方云姪。今則對叔伯皆云姪矣。又改爲侄字。古人則但稱兄子某。從子某。字書侄本音質。堅也。又癡也。侄。伋不前也。俗誤改。

謂兄爲况。本于荒者。○釋名兄荒也。荒大也。故青徐人謂兄曰荒。白虎通兄况也。况父法也。廣雅兄况于父。今江南北猶呼兄爲况。詩鶉之奔奔。鵲之疆疆。人之無良。我以為兄。兄虛王反。石經以兄爲皇字。尹翁歸字子兄。顏師古讀曰况。詩倉兄。卽倉况。古文𠄎从𠄎。卽兄字。南詔考蠻謂兄爲容。計有功曰。元季川名融。次山之弟也。次山作處規曰。季川曰𠄎復不言。𠄎有意乎。注𠄎兄之別稱。

丘嫂卽巨嫂。○楚元王傳高祖過丘嫂。史記作巨嫂。巨與丘猶丘與區也。嫂本作嫂。晉帖作嫂。

舍弟之稱。起於曹魏。○吳曾曰。魏文與鍾繇書曰。是以令舍弟

子建因荀仲茂從容喻鄙旨。今稱舍弟本此。戴逵稱安道曰家弟。

蜀謂老爲波。○愛日齋叢抄言范氏吳船錄嘉州王波渡。又有天波月波。宋景文謂波當作幡字。山谷貶涪州號涪幡。可証。

阿戎從弟也。○王思遠小字阿戎。爲王晏從弟。故唐人沿之。杜甫於從弟杜位宅守歲詩云守歲阿戎家是也。

稱妻曰鄉里。蔭蔭愛根。未蒙。逡稱也。○沈約山陰柳家女詩。還家問鄉里。詎堪持作夫。鄉里謂妻也。南史張彪呼妻曰我不忍令鄉里落他處。姚寬曰今會稽人言家里。其意同也。金志夫謂妻爲蔭蔭。妻謂夫愛根。李肇國史補曰西蕃呼贊普之妻曰本

蒙

周有判妻入子之名。秦有寄猥逃嫁之稱。○周禮媒氏凡娶判妻入子者皆書之。判妻出妻再嫁者入子。媵妾不聘者張氏曰。漢有八子。其入字訛乎。此非也。女官有七子八子九子。必以入子爲八子。亦如趙凡夫以九子爲攸子矣。秦碑文曰。夫爲寄猥殺之無罪。男秉義程。妻爲逃嫁。子不得母。咸化廉清。

尊章猶言舅姑也。姑曰威姑。○漢廣川王歌曰。背尊章。嫖以忽。黃公紹曰。夫之兄曰兄嫜。杜詩何以拜姑嫜。釋名曰。兄忪亦曰兄章。舅忪亦曰舅章。釋名曰姑。故也。故弱侯以古老爲姑之字。原婦稱姑爲威姑。猶子稱父爲嚴君。說文引漢律。婦告威姑。王

昭明以古威字作婁。

古呼姐如姊。漢或謂孟。晉呼姊如市。○方言媼。孟姊也。注外傳曰。孟啖我是也。今江東江越閒。呼姊如市。媼未詳。智按姊卽姊字。古少麻韻。讀姐爲姊。漢書多姐反。注姐音姊。且本是姐。轉爲姊。轉爲姐。

妯夫之兄也。○爾雅夫之兄爲兄公。夫之姊爲女公。郭璞注。今俗呼兄鍾。語之轉耳。禮記奔喪篇。唯嫂叔。注正言嫂叔。尊嫂也。凡公於弟之妻。則不能也。容齋隨筆引玉篇。妯音鍾。省作公。容齋豈知爲語轉而別音。遂別作妯乎。呂覽遇合篇。姑妯知之。曰爲我婦。而有外心。不可畜。

楚人謂妹曰媼。○說文引公羊傳曰：楚王之妻媼。云貴切。唐書妹多作媼。宗室傳同安公主高祖同母媼也。今人以媼比考妣。嬪。

築婁卽妯娌。或謂長婦曰植。曰熟。皆妯之轉也。○方言築婁。郭璞曰：關西兄弟婦相呼爲築里。廣雅始作妯娌。呂東萊紫薇雜記言：呂氏母母受嬸房婢拜。嬸見母母房婢拜卽答。是母母亦尊尊之意也。釋名：青徐人謂長婦曰植。長禾苗先生曰：植取名于此。荆豫人謂長婦曰熟。熟祝也。祝始也。封禪書：神君先後宛若。孟康曰：猶妯娌也。

女人稱我曰妣。譯女自稱曰媯徒。○郭璞注爾雅引說文曰：女

人稱我曰妣。轉爲印。後漢書南蠻傳。外廕內黠。相呼曰妣徒。元
美曰。南譯女人自稱曰娼徒。娼音陽。巴人自稱曰阿陽。智按古
文易。兌爲妾。爲娼。則古有此字矣。在廣西見徭人之老者。一寨
呼之曰婆。其老婦則呼之曰公。

外甥亦曰外生。○謝絢父重。卽王胡之外孫。與舅不協。絢先禮
乎其舅袁湛。湛曰。兩世無渭陽情。魏舒爲外家寧氏所養。相宅
者云。出貴甥。舒曰。當爲外祖。成此宅相。世說曰。桓豹奴是王丹
陽外生。形似其舅。則外生卽外甥。然晉時多通稱。自古借字也。
如謝重爲袁湛之外孫。則以甥爲孫。魏舒傳云。出貴甥。是指外
孫爲甥也。今人竟以渭陽宅相相稱。古人偶語耳。何無忌酷似。

其舅可稱曰酷似否耶。然貽厥友于已成歇後之語。又按古壻亦稱甥。孟子帝館甥。故岳亦稱舅。

古謂老男老女爲諸君。小男小女爲吾子。○管子曰。吾非籍之諸君。吾子。有二國之籍者六千萬。注諸君。老男老女。吾子。小男小女也。卽旄倪之意。

姑息有三解。一作憐息。○升菴引尸子。紂棄黎老之言。而用姑息之語。注姑。婦女。息。小兒也。元美仍主姑息爲且休之詞。焦弱侯曰。姑。姘姑也。息。頑童也。智按唐韻作憐息。曹植傳大發士息。前後三迭。言士卒子息也。博南言許械妻劉夫人碑。孫息盈房。今亦有嗣息弱息之語。呂先識篇。辟遠箕子。爰近姑與息。太平

御覽引成王曰紂愛近姑與息則爰是愛訛以此徵之確指兒女子輩元瑞譏升菴正未必當

累重謂家屬也○西域傳有累重敢徙者詣田所趙充國傳終不敢將其累重陳成帝答沈炯詔已遣所由相迎尊累累重謂妻子家屬也後漢杜林傳細弱陳龜奏侮略良細杜甫韓窰孺弱餓死

泰山泰水○撫遺云歐陽永叔謂今人呼妻父爲岳公以泰山有丈人峯又呼妻母爲泰水不知出何書也今大孤山下有石曰丈人峯因以孤訛爲姑也裴松之注三國言獻帝舅董卓謂古無丈人之名故謂之舅松之元嘉時人呼婦翁爲丈人已見

此時漢書塞外言漢天子我丈人行丈人古爲尊老言經効方云青城山丈人皆此類也黃氏筆記曰漢郊祀志大山川有嶽山小山川有嶽壻山或出于此

聳卽壻一曰率便干祿書又作聳○風俗通怪神女新從聳家來是漢時所造字故方言聳謂之倩郭璞注曰今俗呼女壻爲率便一作平便博物志王粲與族兄凱依劉表表有女周率謂粲非女聳才乃妻凱孟康曰西方有亡女壻曰丘壻丘空也字書壻旁从士

媼壻爲阿箸○箸音奢唐中宗以衛后乳媼嫁竇懷貞世謂媼壻爲阿箸懷貞自署皇后阿箸人謂之國箸軒然不慚

婢亦謂之上清。○柳垕上清傳。溫公考異引之。言竇參知敗。囑上清定爲宮婢。當爲白上。後果入宮。言銀器字。爲州縣希指事。事雖不可信。然當時稱婢爲上清。亦常語也。

八八。乃逸語之稱。巴巴也。○唐書德宗以懷光外孫。樊八八爲後八八。蓋逸語。稱老成者曰八八。或巴巴。今回回教以老成者呼八八。其聲近把。仙傳陶八八。肅宗時道士以丹授顏真卿者。伍伯一作五百。五伯。彤騶本于絳騶。○卮言以前導爲伍伯。元瑞以皂隸亦號伍百。見蘓世長傳。大昌引虞詡傳注。續漢志伍伯公八人。曹節傳節弟見五百妻有色。汪引韋昭云。五伯本作伍伯。黃祖怒禰衡。令五百將出杖之。升菴引宋人用褚亮詩彤

騶字卽五伯也。始于唐人。智按形騶卽南史之絳騶。不自唐始也。

客旅曰賓。長官曰正。○日者傳曰。卑庇而前。纖趨而前。比周賓正。以求尊譽。索隱曰。客旅曰賓。長官曰正。張氏曰。賓迎也。導也。列也。服也。管子飛蓬之問。不在所賓。注賓敬也。此蓋謂比周之狀。逢迎敬服而請正也。說文賓所敬也。宀聲。集韻古作賓。宀賓賓子才以爲从負。或曰宀下迎人之肩。故後用賓。智按宀肩亦聲。宀古寔字。轉音綿。與鬲通。

衙前散從。猶今之內外班也。○見韓魏公奏。今上司後有內班外班。宋時曰衙前。猶長隨也。散從。猶聽用也。升菴直以衙前爲

門子亦未確。

唐稱兩中尉曰兩廣。○皮光業見聞錄曰崔慎由開成中寓直夕忽內召見左右二廣然蠟而坐欲廢文宗慎由固爭乃曰爲此拘木枕措大慎由滕其事付胤稱二廣因楚之二廣謂軍客掌兵也又唐各鎮歲進闔兒號曰私白猶今之呼紗裹也孟元老曰東京呼宮門上進膳有人呼喝謂之撥食家次有紫衣者謂之院子家今呼老公。

中人出入曰中大人。○鄧禹傳禹孫康誥太后所使中大人岳

珂

飛孫

程史曰神宗朝王襄敏韶幼子來觀燈失所旬日有中大人

人下宣旨抱南陔出車南陔郎來也。

門生門童弟子。故吏故民。處士義士義民之別。○孔碑陰載門生四十二人。門童一人。弟子一人。故吏八人。故民一人。隸釋謂漢儒開門授徒。親授業者則曰弟子。次相傳授則曰門生。未冠則曰門童。總稱曰門生。舊所治官府。其掾屬則曰故吏。占籍者則曰故民。非吏非民則曰處士。素非所蒞則曰義士義民。永叔跋文翁學生題名。言有典學從事各一人。司儀主事各二人。左生七十三人。右生三十人。

唐選大臣子孫工書者曰書手。後爲吏書之名。○今人謂吏書手曰書手。智按唐志貞觀中。選五品以上子孫工書者爲書手。繕寫藏于內庫。以宮人掌之。以時暴涼。陶九成止載宋衍元和

中爲鹽鐵院書手。蓋未讀唐志也。魏書江式表言書生五人。專令抄寫。此書生卽謂書手。

一字之稱曰尊。○餘冬序錄曰。至尊官家之稱。皆昔人以稱君上者。魏晉六朝閒。稱君多但曰官。稱其所私事亦多曰官。稱父曰尊。稱伯叔季父及其所私事亦多曰尊。一字爲稱。唐宋閒無聞矣。晁錯傳公卿言鄧先。猶言先生也。今京師或曰老先。吳中曰老生。

先輩之稱有兩謂。○唐宋閒人呼謂有先輩之稱。或曰此互相推敬耳。然不聞施之同朝同官同季。而所謂皆未任官職。未登第之士。觀歐蘇書札可見。李方叔東坡門人。坡書稱方叔爲先

輩。按北夢瑣言。王凝知舉日。司空圖第四。王謂眾曰。某叨忝文柄。今奉榜帖。爲司空先輩一人而已。則是所謂先輩者。實未逢士也。唐王福時雜錄。文中子謂魏徵及房杜曰。先輩雖聰明特達。非董薛程仇之比。然則是稱隋唐初蓋已如此。自此而後。多以在我前者爲先輩。今詞林以七科爲前輩。避馬一科以上。但讓馬。

使者爲信。○古人謂使爲信。黃伯思法帖刊誤。炎報帖。故遣信還。逸少帖。遣一信見告。

古稱小生。○朱雲曰。小生欲相吏耶。張禹傳。新進小生。李陽冰曰。斯翁之後。直至小生。鮑明遠詩。寄語後生子。作樂當及春。

所由言事所必由也。○徐文長引廣記。徃徃捉捕有所由名色。輯略云所由卽今保正。又云予前注爲邏卒亦近之。智按唐玄宗曰。嚴挺之爲罪人。請屬所由。崔咸舉觴罰裴度曰。丞相不應許所由官。咄囁時指京尹劉栖楚也。三省曰京尹任煩劇。唐人謂府縣官爲所由官。項安世家說曰。今坊市公人謂之所由。文長乃未讀溫公全通鑑邪。

牙卽謂之互郎。○劉貢父詩話。今人以駟僮爲牙。謂之互郎。吳曾曰。唐人書互作牙。牙似互。安祿爲互市牙郎。此自一事。智按如允吾作鉛牙之類。古蓋聲通。不但形近。然牙行實以市平大稱。不可混互也。

牙市又曰經紀。○今人稱牙僧爲經紀。其語有自來。按唐書滕王元嬰與蔣王皆好聚斂。太宗嘗賜諸王帛。勅曰。滕叔。蔣兄。自能經紀。不須賜物。韓昌黎作柳子厚墓誌云。舅弟盧遵又能經紀其家。金史有牙例課。

黃冠有妻孥者曰寄褐。○樊翼詒謀錄。宋禁宮觀寄褐。謂今之火居道士也。談詒錄謂之啞竿。叱枳房。千里曰師郎。

祠祝卽廟祝。○今人以守廟道士呼爲廟祝。此蓋有本。漢表景中六年。更名大祝爲祠祝。或本初元年。更名曰廟祝。

跛擊。跛覲也。朶覲。滇中巫人之稱。○楚語觀射父曰。在男曰覲。音檄。荀子偃巫跛擊之事。注擊讀覲。古者廢疾之人。主巫覲之。

通牙
事。升菴曰。滇中巫人曰朶覲。至曰珪眊者。乃古今注所載取無患木制鬼者也。段柯古亦載無患木制鬼鬼。其人珪眊。智以爲當是珪眊。何子元曰。雲南夷羅巫師曰朶兮薄。殺雞籤其腿骨。卽雞卜也。

鐐子。下役之稱。○宋仁宗游後苑還宮。索漿甚急。宮嬪曰。大家何不於外宣索而受渴。仁宗曰。吾屢顧不見鐐子。恐問之。則所司有得罪者。升菴曰。鐐子亦庖人之別稱。音力吊切。智按。今王府勛戚稱手下曰牢子。大內門軍亦曰牢子。或牢鐐。音轉。而訛作此字。然官家各時習成稱呼。因爲典故。未可臆斷也。

重臺賤稱。○庖言學牟欣書爲重臺。蓋梁戍評欣書。如婢學夫

人也。左傳晡時爲僕。日昃爲臺。又曰阜臣輿。輿臣臺。重臺言婢之婢也。智按說文臺遲鈍也。闕臺亦如之。箋云闕臺浙之方言曰阿帶。平聲改作臺。馬曰驚駘。蓋本仗臺之賤稱也。

目痴爲九百。○陳無已曰。世人以痴爲九百。愛日齋叢抄言東坡亦用之。張平子賦曰。乃有秘書小說。九百虞初。虞初事漢號黃衣使者。亦號九百。俗緣其小說瑣碎耳。

敵手曰對家。○魏文言以單攻複對家。不知所出。古概稱人曰家。裴徽爲荀粲與傅粲通二家騎驛。故相沿議論著作。遂有當家作家之名。孔明與李子豐曰。方之氣類。猶爲上家。

概豎壓僚皆賤稱也。○崔浩曰。屈丐。概豎小人。豎賤稱也。概言

直立崛強如櫛也。北史周文帝討諸獠，獲其生口，以爲賤隸，謂之壓獠。資暇錄：高歡時呼奴爲邦，五色線唐呼左右爲都公，其因馮子都乎。

宰相蒼頭曰豸祿。○見沈約襟記。袁粲曰：于慶改名丁豸祿，投丁謂，謂喜曰：吾大拜矣。

稱男子曰南北，猶稱物爲東西也。○迺旃璵言曰：世指好男子窮者，咤曰：好南北，無東西。

獠兒貉子。○三國曹操呼孫策爲獠兒，關羽罵孫權使爲貉子。唐代宗以孚名賀知章子，蓋戲其爲爪子也。爪借音爲獠，今山西有爪子之稱。

秦人漢子。○老學庵筆記曰。今人謂賤丈夫曰漢子。蓋始于五季紛攘時。北齊魏愷自散騎常侍遷青州長史。固辭。宣帝怒曰。何物漢子。與官不就。此其證也。陶九成式廬陵官下記。有研朱漢子語。

佃客田。騶衣食客。○晉書百官志。諸公及開府從公。給菜田十頃。田騶十人。光祿大夫菜田六頃。田騶六人。又當官品第一第二者。佃客無過五十戶。此晉武平吳後制。王公近郊有芻藁之田。又得廕人。以爲衣食客及佃客也。東晉寓居江左。都下人多爲諸貴人左右。佃客典計衣食客之類。列子田叟許疑始。

辟邪宜祿。○魏明帝使給使辟邪。召司馬懿。辟邪給使之號。猶

漢之丞相蒼頭呼爲宜祿也。漢書蒼頭廬兒。又言蒼頭軍。猶義子也。

事力猶黃回之快手也。○宋書蕭惠開有舫十餘。事力二三百人。戴明寶使黃回募江楚快手八百。隸劉劬。搜神記鄧縣吳望子事貴人乘船。挺力十餘。卽事力之意。

首坐謂之客。唐謂之坐頭。確酒者謂之白席。○左氏臧紇爲客。唐李尚書益與宗人尚書益赴飲上坐。咲曰。今日兩副坐頭俱李益。執事勸酒。謂之白席人。亦謂四司人。

自漢已有酒保之稱。○文長曰。兩見鶚冠子。智按李燮杜根皆爲酒家保。

大伯煖槽。廝波。剗客撒暫。泛索。勘宅驪門。○夢華錄要曰。量酒博士至店中。小兒子謂之大伯。婦人繫青腰。爲客換茶湯者。謂之煖槽。歌唱獻菓子香藥者。客散得錢。謂之廝波。妓不呼自來。謂之剗客。散菓食客。然後求錢。謂之撒暫。泗水潛夫記作撒嚕。非時取喚。謂之泛索。就人貿易撲物事者。謂之勘宅。鋪面朱綠裝飾。謂之驪門。

輜車之夫曰倅夫。○唐懿宗咸通十二年。葬同昌公主。賜酒餅餠四十橐駝以飼倅夫。注倅。蒲本反。倅夫。輿柩之夫也。

部色。教坊稱也。○教坊有部頭。有色長。升菴曰。周伯清誤呼部頭爲務頭。可咲也。按今九宮譜有務頭。言填詞之法。非呼人也。

其說施俊語亦非。蓋謂其發聲處當用陰陽字之類。

叅軍蒼鶻末泥孤裝顙首。皆劇家之稱。○元瑞曰。副淨。古之叅軍。副末。一名蒼鶻。一名末泥。一名孤裝。見陶氏輟耕錄。智閱南唐書。隆演鶻衣髻髻爲蒼鶻。升菴謂漢郊祀有飾女妓。卽裝旦之始。凡夫以淨作顙首。李義山嬌兒詩。忽復學叅軍。按聲喚蒼鶻。

爆炭。都知錄事。皆青樓中之稱也。○孫榮北里志。妓假母曰爆炭。卽今之鴇也。盧嗣業醵錢詩曰。未識都知面。頻輸復分錢。注曰。妓之頭角者爲都知。其爲酒糾則稱錄事。孟啓本事詩引元稹云。余曾爲觥錄事。稱較書者。因薛濤也。

三老太翁船長之稱也。催碇郎篙師也。○古今詩話謂川峽以篙手爲三老。乃推一船之最尊者。杜有長季三老歌。陶九成曰。海舶中呼司舵曰太翁。是亦長老三老之意。雲麓漫抄曰。浙江東南溪。篙用竹。扣鐵鑽。有肩篙另篙。另讀如列。催碇郎舟師也。束手擲篙。諸人皆齊力。蔥打。智見。粵西灘江灘至險。榜又用荻篙。下施鑽如鈍錐。上以木作月牙。抵胸竝脇。數百斛之舩。不藉彈牽。惟以十二篙左右急戛。駕濤而上。以使力便也。

餅師工師花師。猶子雲之載亭公。努父也。○方言亭父謂之亭公。率謂之努父。丹鉛載善。蒸餅者稱餅師。計有功紀事。載寧王還餅師之婦。龍城錄。宋單父善種藝。上皇召至驪山植花。內人

呼爲花師。卽木匠曰工師意也。如待詔郎中則以官稱之。

翁仲猶石丈。銅人謂之金翟則通稱也。○鴻桷集曰。始皇鑄金

人十二。金翟也。成帝承露盤銅仙也。魏明列東都者翁仲也。從

晉春秋誤以銅仙爲金翟。宋錢顥誤以翁仲爲銅仙。師古又誤

以翁仲爲金翟。程大昌據華嶠後從書復誤以徙銅人爲漢明

帝。獨李賀詩小序得實。而又誤景初三季爲青龍九季。不知魏

青龍止于五季也。石人號翁仲。猶米顛之稱石丈。古人多以仲

稱。从人中聲。亦兼會意。耳記曰。平仲種銀杏樹。故稱平仲。杜仲

種棉絲樹。故呼杜仲是也。鴻桷辨之。乃以暢其僞魏文之意。

通雅卷之十九終

通雅卷之二十

桐山方以智密之輯著

同里姚文燮經三較訂

姓名 姓氏

姓氏論曰百官族姓見於堯典司商吹律以協名姓故譜牒世表史遷記之然蜀秦宓見帝繫之時五帝皆同一族辨其不然張說曰古未有姓自炎帝之姜黃帝之姬始因所生地而爲姓則康成所云炎帝姓姜太皞所賜黃帝姓姬炎帝所賜皆臆說也隱八年無駭卒羽父請謚與族公問族於衆仲對曰天子建德因生以賜姓胙之土而命之氏諸侯以字爲謚因以爲族官

有世功則有官族。邑亦如之。公命以字爲展氏。釋例曰。別而稱之。謂之氏。合而言之。則曰族。例言別合者。若宋華向。出戴桓公。獨舉其人。則曰華氏。向氏。竝指其宗。則云戴族。桓族。記謂之庶姓者。以始祖爲正姓。高祖爲庶姓。庶姓亦氏族之別名也。姓則受之天子。族則稟之時君。其不賜者。各從其父之姓。族。黃帝之子。兄弟異姓。周之子孫。皆姬姓者。古今不同。賜姓者亦少。惟外姓。嬌滿之徒。賜族者。有大功德。宜世享祀者。方賜之。王朝大夫。不封爲國君者。王賜之族。春秋尹氏之徒。魯挾鄭宛。皆未賜族。故單稱名。其士會之帑。處秦者。爲劉氏。伍員之子。在齊。爲王孫氏。知果自別其族。爲輔氏。皆身自爲之。襄十年。伯輿之大夫曰。

平王東遷。吾七姓從王。賜之駢旄之盟。襄十一年。盟亳。曰。七姓十二國之祖。可知氏族一也。姓尤爲重。姓之爲言。生也。氏之爲言。類也。呂東萊曰。三代時曰姓者。統其祖考之所自出也。百世而不變。曰氏者。則子孫之所自分也。數世而一變。以智論之。姓氏皆有別稱通稱。豈可執漢儒之訓詁哉。如堯舜姬姓。稱陶唐氏。有虞氏。禹姁姓。有夏氏。成湯子姓。有商氏。此因國語。帝胙禹以天下。賜姓曰姁。氏曰有夏。胙四岳國。命爲侯伯。氏曰有呂。而桀稱國號曰氏耳。上古至中古。人漸繁。故以氏族分之。氏族始有定名。至周始詳。古則但爲名號。若上古之氏。則一國號也。陶唐氏有虞氏。猶之伏羲氏神農氏。今之稱漢家唐家也。因生賜

姓者立有德爲諸侯因其所由生以賜姓若舜由嬀汭故陳爲嬀姓諸侯以字謚爲族者位不敢同天子故氏其王父字或卽其謚稱以爲族元凱十六族兄弟也世代久而人繁族大則族亦一姓也又有如觀射父所稱物賜之姓以監其官謂之百姓則姓之別稱亦猶是也漢去古近凌煙博陸稱曰霍氏以氏代名蓋美稱耳此知氏亦可以爲通稱也以左氏之說字謚官邑才四者而已柳芳曰後世或氏於國則齊魯秦吳于謚則文武成宣于官則司馬司徒于爵則王孫公孫于次則孟孫叔孫于字則展氏臧氏駟氏國氏于居則東門北郭于志則三島五鹿青牛白馬于事則巫乙匠陶通志則分以國以邑以鄉以亭以

地以姓以名以次以旌以事以謚以吉德以凶德以爵系國系族系名氏國爵邑系官名邑謚謚氏爵謚代北複姓關西複姓代北三字姓四字姓諸方複姓凡三十二類一切皆姓國則有代號廟號士夫有爵有謚無爵者有字有號衆所同然共止六例豈不亦簡便乎愚者曰三代時姓氏分而爲二男子稱氏婦人稱姓氏以別貴賤貴者有氏賤者有名無氏姓所以別婚姻故有同姓異姓庶姓之別三代之後姓氏合而爲一皆所以別婚姻而以地望明貴賤魏晉置中正以門第官人李唐論相惟重八姓天監士流案譜貞觀禁約鬻婚抑亦未矣洪武四年廢圖譜局豈非厭其繁縟已甚乎蓋重賢過于世家也按仰萊姓

氏考曰庖羲氏而風姓烈山氏而姜姓似氏大于姓中古不得賜姓因氏其王父字謚似姓大于氏殷五世通婚姻姓猶尠也至百世不通其姓已繁然仍有姓有氏如師尚父姜姓呂氏姓則不遷氏則屢遷後世以氏爲姓無復分別男子稱姓女子稱氏一也而有百姓千姓之書百七十門萬姓之統譜矣

自有統譜原引粲然然未必盡當無舛也如所氏引伐木所所以古有虞衡因主代木遂以爲姓此亦支矣風俗通所姓宋大夫華所事之後穀梁傳隱九年俠卒俠者所俠也此與顏籀已異朱以爲舜臣朱虎後似之東觀曰其先宋微子之後周衰宋滅犇碭易姓爲朱廣韻本自高陽後周封于邾爲楚滅子孫去

邑氏朱則朱有三說路氏國語妘姓陸終子求言後別封路廣
韻唐世系姬姓帝摯後封路悉就篇注路水名在涿郡界居者
氏焉此亦三說也苟艸名所居饒之因命氏又云晉荀氏後避
難改姓姓苑又云黃帝後說亦參差今關中苟音苟去聲其實
說文苟字从艸省苟古文也龐爲高屋之名其先殷冨好爲室
屋審引審曲面執當爲司空之官則九回穴矣兒倪本爲一姓
鄒尋文合斟尋朶卽是裘而師古不能原角本無角而應麟分
爲二又何在是正閼閼逢逢以爲功哉觀通志所載移避所更
相伯袁爰之爲一疏棘桂痛之更變京嵇之自取賀師之避諱
吞之音他前遺之音惟賁之音肥不之音彪玉之音肅能併二

姓之音耐。員慕子胥，則平聲不當音運。母丘卽貫，則雙姓不得音無，加以遺複，沿改無常。博雅者不能無漏，宜矣。是用哀集列

其稀僻者，備遺忘可也。

自子長刪世本爲世表，旁行邪上并效。周譜此劉杳所引也。漢溝洫志王橫亦

引周譜。後漢有鄧氏官譜，應邵王符皆有姓氏篇。何承天乃作姓苑。吳志薛綜定五宗圖，晉摯虞作族姓昭穆記。南齊賈淵祖

弼之父匪之，世傳譜學。王弘百家譜，王儉廣之。元魏定諸州士族，自陳羣九格，由中正考之。唐有高士廉氏族志，路敬淳衣冠

譜。王元感姓氏實論，柳沖大唐姓族系錄，二百卷。柳芳註論甚詳，作永泰新譜。李利涉唐官姓氏記，韋述開元譜。張九齡姓源

韻譜，林寶元和姓纂，八姓外三百五十姓。宋景祐雁門邵思姓解，百七十門二千五百六十八氏。錢明逸撰熙寧姓纂，紹興中

鄧名世有姓氏書辨証，鄭樵爲氏族畧，長沙丁維臯撰百族譜。周益公序又嘗修姓源韻譜，客齋常譏之。鄧氏辨証黃潛嘗譏

之。大抵附會耳。洪武十四年編修吳沉，典籍劉仲質，吳伯宗據戶部黃冊編爲千家姓，首云朱奉天運，楚中周景虞以韻編之。

成章如千字文，因姓載歷代之人，則凌迪知萬姓統譜具矣。然無辨證，當別作一書，而闕疑尚多，且有所侯崇禎戊寅冬皖桐

方以智密之
識于稽古堂

奠繫定世。周譜爲法。○周禮世奠繫。小史定繫世。疏曰天子謂之帝繫。諸侯謂之世本。世本十五篇。劉向言與左氏合。載在漢志。世本叙黃帝以來祖姓所出。史遷所從取以作史記者。隋經籍志謂漢初得其書。蓋出于秦焚之後。宋洪景廬謂其書今亡。不知於何時亡耶。唐志宋衷世本四卷。春秋正義曰今之世本與司馬遷言不同。遷言多誤。通鑑外紀曰世本經秦歷漢。儒者改易。則唐以來混之。非亾也。

古重賜姓。今重別婚。○姓非天子不可以賜。而氏非諸侯不可以命。姓所以繫百官之正統。氏所以別子孫之旁出。族則氏之

所聚而已。蓋別姓則爲氏，別氏則有族，族無不同氏，氏有不同族。故八元八凱出于高陽氏，高辛氏而謂之十六族，是氏有不同族也。商氏、條氏、徐氏之類，謂之六族；陶氏、族氏之類，謂之七族；宗氏、華氏之類，謂之戴族；向氏謂之桓族，是族無不同氏也。蓋古以國爲氏號，故旁支謂之族。自漢以後，族卽一姓矣。

半千姓慕伍員，不當去聲，而姓苑蒯涼之員，則以姑幕員亭之聲而誤。○唐員半千，本宋劉凝之十世孫，因受齊禪，奔元魏，自慕伍員改姓員，人卽附于蒯涼員家，遂與姑幕縣南員亭之員俱作去聲。按半千以慕伍員改員，杜預音云：員字子胥。詩樂我胥，爲餘辭，聊樂我員，亦餘聲，可知伍員平聲，乃宋人譏之。升菴曰：伍員之員音運，良齊并書祖之。朱光家乃造分員員爲二字。

母丘當音貫○史記世家伐衛取母丘注索隱曰母丘卽貫古國名今作母字殘缺耳然今廣韻韻會虞韻母字下載複姓引母丘誤矣此因漢書有曼丘臣師古曰曼丘母丘本一姓故遂以爲母然則漢時母已訛爲母母與曼聲近升菴曰漢有母丘興母丘長母丘毅魏有母丘儉今分爲二曰母曰丘而母爲父母之母母氏子孫亦不知矣七修類藁曰母丘音貫見在濟陰縣南今爲曹縣按母古字後人加貝母蓋古冠象建簪形借爲貫串之母升菴亦未知也

左丘明姓丘○單姓丘者亦不本于母丘孔平仲襍鈔曰左丘明姓丘李太虛侍郎虛中言昔湖州有人發古墓得碑乃南朝

丘遲其言遲乃左史丘明之後王元美駁之元美安知左丘明之確姓左耶孟奇有丘明不姓左之說

郤卻本分而聲亦相借○東觀餘論曰郤姓音絺而俗作却因讀却詵之却詵乃晉却縠後郤鑒乃漢郤慮後陸魯望詩一段清香染郤郎亦誤矣然觀右軍帖以郤爲却誤自此始退之所以貶爲俗書也智按說文繩在河內丑脂切郤晉大夫叔虎邑綺戟切卻訛爲却故亦混郤母亦絺絡相因郤轉入爲卻乎隋書袁充傳冬尚衣葛客曰絺兮絺兮淒其以風則谷去隨人屬書久矣劉杏云絺酒音振而升菴音格爲郤將以若去同而及郤耶絺音振無因嘗以沈約播酒亦是汁酒當緣汁轉平爲絺

猶郤轉郤也。戲可平去。故劇亦音戲。古人讀郤亦與嘻近。故魯望借聲作詩耳。

錢省爲秦。○彭祖姓錢名鏗。轉注古音曰。錢本禾名。隸省爲秦。此說出國名記。楊龜山曰。論語稱老彭。謂老子彭祖也。武夷志。錢鏗二子。長曰武。次曰夷。

揚自非楊。○升菴曰。晉有羊舌氏。叔向子伯石。食邑于揚。曰揚食我。晉旣滅羊舌氏。分其田爲三縣。曰平陽。曰楊氏。則羊也。陽也。楊也。同出一姓。揚子雲自以爲蜀無他揚。字不从木。而楊修曰。吾家子雲。特子雲好奇耳。智以姓亦何奇之有。古今渺莽。姓譜皆附會。其說不一。子雲自云姓揚甚明。楊修少年聰穎之筆。

考究未深。且古人凡事假借談諧。故曰吾家子雲。今乃欲改子雲之姓。則何不改揚州爲楊乎。趙凡夫亦以子雲爲木旁楊。皆坐此故。

司徒通作申徒。信都申屠。○司徒以官爲氏。史記項梁立韓成爲韓王。以張良爲韓申徒。卽司徒。莊子有申徒嘉。又有申徒狄。皆複姓。西漢申屠嘉。東漢申屠剛。與申徒同。宋羅璧識遺云。史通譏遷固。謂韓王名信都。亦誤矣。潛夫論拜良爲信都。又曰信都者。司徒也。楚漢春秋作信都。注信音申。此與史記申徒可互推。古人信與申通。司因信轉之故。

堂谿卽唐溪。○風俗通吳王夫槩奔楚。封堂谿。因爲氏。延篤傳

少從穎川唐溪典受左氏傳。魏志曹勝在省闕薦穎川堂谿典。卽唐溪典。水經注作棠谿典。

鄧名世謬穆翟狄之疑。○黃潛筆記言鄧名世姓氏辨證。以穆爲宋繆後繆爲秦穆後非也。此因皮日休有秦穆謚謬論耳。如謬忌正作謬而鄧亦不引。翟方進汝南人而謂方進音廸汝南之翟音宅何自相矛盾耶。

稽嵇○呂覽秦賢者稽黃。漢貨殖稽發。黃帝臣泰山稽之後。嵇康之姓則音奚。奚本夏車。正奚仲之後。康爲上虞人。徙亳州嵇山之下。遂爲姓。嵇紹在晉爲鉅縣人。卽今之宿州也。宿州有嵇山。說文嵇字乃因嵇氏而新附者。又複姓有溫嵇氏。後周耿豪

賜姓諸稽氏。洪洲奚姓之下失收稽。

洪昌洪果非洪氏。弘憲非弘氏。○客齋曰國朝所修姓源韻譜可矣。如五代有叅知政事洪昌洪果皆劉龔之子。及晟嗣位用爲知政事。本連弘字。以國朝諱追改之。非姓洪也。洪慶喜序丹陽弘氏云有弘憲者。元和四年跋輞川圖。不知弘憲乃李吉甫之字。

三眷三祖。○五代史裴氏號東眷。居西涼者西眷。居河東者中眷。按唐宰相世系表東眷有居道休。澈。埒。冕。度。西眷有寂。矩。中眷有光。廷。遵。度。樞。贄。又韋氏潛號西眷。穆號東眷。其號三祖者。則崔李鄭薛也。崔殷子雙爲東祖。邯爲西祖。寓爲南祖。亦號中

祖李楷五子。戲爲東祖。芬與弟勁共稱西祖。輯與弟晃共稱南祖。鄭溫子曄爲北祖。簡爲南祖。恬爲中祖。薛懿三子。談號北祖。雕南祖。興西祖。見唐世系表。此言祖者。猶言宗也。

言夏子者。禹湯也。○徐樂傳。名何必夏子。服虔曰。夏。禹也。子。湯也。湯子姓。又如杜周傳。覽宗宣之饗國。韋昭曰。宗。殷高宗也。宣。周宣王也。

負卽彡。彡卽厥。○漢有彡姐羌。見馮奉世傳。後合彡姐爲彡。音陝。近時有登進士者。御筆改爲彡。音陝云。今字彡作負。从貝。訛也。博雅有彡卽姐字。皆時造也。如漢賜衡山妾厥氏。集韻古作彡。身後又造留字。短也。留氏京兆人。今字彡作彡。按古尚書。厥

作昏以篆𠩺也。𠩺厥音近，遂訛爲𠩺。

庫音赦，卽音庫之轉。○後漢竇融傳：金城守庫鈞。今字書音赦，不知古多魚模漸轉家麻。庫之爲赦，猶埤疇惡亞也。如晉中郎晏清音緩，蓋古煖音暄。莊子：煖然音暄是也。煖或作暖。師古以爰書爲換，爲其音近。今吳人讀援如玩。

屯莫如音沌。○風俗通：混沌太昊之良佐，因以爲氏。漢有屯莫如儒林傳，作毛誤矣。沌卽屯。今洪洲通考姓氏：顧韻遺收屯姓，又姓譜巨姓，引巨護之。今南史作垣護之，此非南史誤，蓋桓氏避欽宗諱，改爲巨氏。洪洲載紹興時甚明，升菴以爲南史誤，則又誤矣。

母熒姓在麋韻。○升菴七麋載母熒。開元含象亭十八學士之一。其後孟蜀有母熒。多藏經史。號曰蜀本。宋末有母制機。亦名士。元瑞嘗譏丹鉛錄云。母昭裔。孟蜀人。其子母熒。藏書最富。今合此條。知升菴懶于嘗翻正史。喜閱小說。小說偶以熒訛爲熒。而遂以爲開元之母熒耳。今王伯厚書亦嘗作母熒。卽筆叢亦間作母熒。豈便引用乎。或曰。安知非前人之誤。智謂新舊唐書皆作母熒。董衡特作音訓。音熒爲囧。蓋熒之訛。竇苹亦音囧。楊公之誤明矣。然收母姓于麋韻最是。洪洲止入有韻。而子謙竟不載矣。蓋有韻者。乃晉人之音。如易林中田膏黍。以享王母。後漢語前有召父。後有杜母。可証。元美作母熒。收于虞韻亦誤。

倭乃備之訛。○弇州說部載蓀姓音多。漢蓀宗。又載備音朋。漢南山盜備宗。此誤也。王莽時南山盜備宗。備或作崩。備備倭蓀。六字通用。道昭洪洲皆詳。

朴姓音標。○六合有朴姓。自云音標。蓋出自高麗。智謂不準之。不古平聲。有讀爲細聲者。故轉注略音彪。朴與不近。標又彪之轉也。

姓氏字音變易。有不得不因之者。○楊氏曰。如輓音萬。軒音呼。謁音喧。庫音赦。余本余而轉作入音蛇也。音彌也。切字皆生造。若嵐蜀吞炅。本桂姓。避仇而分爲四字。伯厚音桂。道昭音携。厚無其字。他若警音盤。學音拱。陂音亥。𪔐音昨。俞音丑。覲音運。𪔐

音罪。𤑔音暴。養音孤。求之音義了不可知。想前代吞之音天。亦此類乎。氏族書有吞景靈。晉有吞道元。與吞公晟。今類書引之。改吞作查。書叙指南所引。猶是吞字。蓋古天有汀真切。則吞有他前切。乃其理也。俞非從俞。乃說文玟姓而加之者也。𤑔音倒。乃叟字。古倭改人在上作𤑔。遂書作𤑔。此姓苑之失也。然𤑔金姓鄙。而作𤑔。或本于党。𤑔達本𤑔省。而𤑔又音冶。孟獲讀莽獲。而莽何羅。乃以逆改。此中沿失。豈是一端。又言宣德中王驥征麓川。有土司三人乞賜姓。驥以怕刀剝爲三酋姓。其後三人得華風。漸識字。改怕爲帕。刀爲刁。剝爲隋。又有游商言隋爲裂肉。乃改爲多。諸如此類。莫可勝紀。是以姓氏一事。最難是正。不如

聽之

姓名 人名

不能盡載第取嘗所見而音釋未定與鈔刻訛異者或
考論其分合則記之

有各本異載而實同者。○伏犧一作慮羲庖犧包犧炮羲伏戲。
律歷志作炮羲帝王世記作包犧莊子伏戲得之以襲氣母羅
泌云名蒼牙姓苑伏勝伏后宓子賤皆伏羲後韻會作慮子賤
家語作宓不齊三國有秦宓古實通借而字書分慮爲虎兒宓
安也遂成二音而竟以言慮子賤者爲誤泥矣姓韻一屋有慮
而四質無宓可證舊說作網取禽獸供庖厨故曰庖犧氏智按
古包孚一聲如枹桴脬胞之類詳見卷首孚甫付伏故包伏亦相通

○神農神由崔希裕略古以神農作農董道錢譜作神由○伊
帆卽伊祈又作伊几古天子號或曰卽帝堯堯姓伊祈保定府
完縣有伊祈山堯母所居周禮有伊耆氏疑古有此稱遂爲職
名○大命卽大禹山海經舜稱帝俊禹稱命藝文志有大禹三
十七篇字作命王氏引作命史記注禹名文命字密之類何可
信也○鼓叟卽瞽叟古今人表尚書作瞽瞍字書作𠂔安呂覽
瞽叟伯厚升菴引作鼓叟乃古篆之訛文然呂覽瞽叟亦瞽者
通稱不必卽舜父也○伯魼卽伯魼見書注升菴以𩇑爲魼楚
辭作魼尚書作𩇑字考作𩇑阮公堅之每據屈子以魼爲寃智
又因東坡言四族非四凶爲左傳流傳之過益信其人殆剛直

犯上者。○帝芒卽帝荒。見夏紀。孟浪一作益浪。益本血。益音荒。去聲。今猶以慌忙連稱。○牟光卽務光。見人表。伯昏無人卽瞽人。蓋古務牟無模通聲。○帝予卽帝杼。夏紀。顏魯公吳興地記。烏程有杼山。言夏七世主杼巡狩至此。○續身卽續牙。舜七友之一也。戰國策。顏觸曰。舜有七友。注七友。雒陶。方回。續牙。栢楊。東不訾。秦不虛。靈甫也。見陶潛聖賢羣輔錄。尸子止載六人。班固人表載五人。師古曰。秦不虛。或作秦不宇。雒陶一作雄陶。○伯樂卽伯冏。或作樂。唐杜佑疏。伯景卽伯冏。○仲蠲卽仲虺。荀子引仲歸亦仲虺也。蠲古雷。又爲雷聲。音虺。辛泉載蠲是也。九經考異作仲蠲。與石經仲傀而不載仲歸。○伯翳卽伯葵。葵

卽益。元瑞考訂確以爲是一人。而史記誤分也。據竹書費侯伯益出就國。則知大費爲國封矣。呂覽作化益。世本化益作井。宋衷曰伯益也。又作伯嗑。○頥咬鵬咬卽驪兜。尚書古文作鵬咬。韓退之有關弓射鵬咬書疏引驪頭。郝氏一作謹朱。弱侯引韓詩作頥父。○離商卽大丙。列子曰王車則造父爲御。商商爲右。蓋善御者。或曰周穆王車右。石林燕語曰王起所不識者。惟商商二字。王起唐武宗時人。王伯厚音爲秦丙。近代屠緯真作序曰唐辨商奢。止存王起。王元美胡元瑞作奢門。其引穆天子傳又作箇箇爲右。則又以訛傳訛矣。梅氏音齊合。舊音泰丙。按淮南鉗且太丙之御可證。伯厚之秦丙。乃刻者之誤。梅氏之齊合。

抄道昭篇海耳。○柏譽虞書作伯與。人表作伯譽。○咎單尚書序作皐善。○末斨古文尚書作爰斨。○中𠂔仲忽。古今人表如張中。中山甫。於陵中子。皆仲字。周八士四產八男之說。向無所徵。今徵之董仲舒郊祭篇。包咸據此作注。○言於卽言偃。說文𠂔於蹇之兒。古人名。偃字子游。謂旗之九旂也。○卑湛。古今人表作禪謹。○伯瞞卽伯服。周襄大夫。瞞音避。牛八歲曰瞞。有讀服篋爲避匿者。篋一作鞫。可知古人服與避爲一聲。○禽敖。齊有黔敖。古今人表作禽敖。○犁鉏。孔子世家。犁鉏請以女樂遺魯。韓非子作犁且。○申棠。筆乘曰。論語申枵。鄭氏云卽申續。史記申棠字周。家語申續字周。史記以棠爲黨。家語以續爲續。傳

寫之訛也。後漢王政碑有羊羔之潔，無申棠之欲，以棖爲棠，則申棖申棠一人爾。開元封申黨召陵伯，又封申棖魯伯。宋祥符封棖文登侯，又封黨淄川侯，竝列從祀。嘉靖九年祀止存棖，李士龍曰棠字非音棠，棖之棠，蓋與棖卽一字而兩書耳。觀古文脞亦作脞，棖亦作棖，鎗亦音鎗，六字竝音鎗，皆諧聲字也。棖亦音棖，本作穀，亦諧聲字，可見棠亦音棖。史記有申黨，無申棠，信訛也。智以古庚合陽，棖亦讀倉，故與棠近。考工之棠卽撐，可証。續則棖之入聲。○曾藏卽點，說文乃作黠。○巫馬旗卽巫馬期。見呂覽。○季次一作季沉，仲尼弟子季沉，游俠傳作季次，卽公皙哀，不肯爲家臣。子華子有季沉語。○曹劌卽沫，左傳曹劌，史

記作曹沫。柯之盟。執七首。劫齊桓。又作曹翽。因劇而訛。○甯戚
甯戊。寧越。淮南子作甯戊。智按古鉞作戊。非戊巳之戊也。史記
作甯越。一作寧越。通考作寧經。訛也。呂覽勿躬篇。管子請以甯
邀爲大由。誘汪卽甯戚。○屠蒯卽杜蕢。禮杜蕢自外來。鄭注或
作屠蒯。左傳作屠蒯。○文伯歟。左傳孟文伯穀。慶父孫。其父穆
伯。公孫敖也。娶苾曰戴巳。生文伯。聲巳生惠叔。禮記注文伯歟。
卽穀也。季悼之子公甫靖。是穆伯。穆伯妻敬姜。生文伯。據世本
而文十五年。公孫敖之喪。亦有聲巳帷堂而哭之之事。○逢蒙。
荀子呂覽俱作蠡門。王褒作逢門。七略作蠡蒙。古通用逢。逢後
別。○逢蒙之弟名鴻超。楊朱之弟名布。見列子。○亢倉卽庚桑。

莊庚桑楚老子弟子。列子聘弟子有亢倉子。今亢倉子書。乃唐
王士源作。孟浩然集序自言修亢倉子九篇。○精目。列子爰精
目。狐丘父之盜舖之。張衡應間旌簪。注卽精目。○孰姑卽壽諸。
郝氏曰世本吳孰姑。徙句吳。注孰姑吳王壽夢也。春秋稱吳子
乘。或謂之乘諸。諸與姑。壽與孰。聲近。本一人。今之常孰姑。蘇本
此。智按樂記封堯之後于祝。或爲鑄。後又省爲壽。宗吾本曰今
姓有壽。乃鑄之後。此足証孰姑卽壽諸之音。如唐初使突厥之
鄭元璫。音束。則亦比人熟壽二字呼之爲一。故隨手以束字音
釋之。而胡三省據爲典故。不敢改耳。○史記左氏罽設諸。相如
賦作剗諸。卽史專諸。○禮記世柳。卽泄柳。○集韻遲任。卽遲任。

○世本然王卽赧王。赧古人扇切。○示昧祈彌卽提彌。左傳提彌明搏葵。史記作示昧明。索隱作祈彌。○考異有扈氏。古文作𠂔。漢書作戶。○有仍氏卽有仍氏。見人表。○莫蹕卽莫敖。蹕蹕亦與磬磬通。可証。字當作蹕。而恕先又分爲二字。○穀於菟音垢。烏塗。今遂有鷓鴣字。卽孫叔敖卽薦艾獵。列女傳作薦獵艾。永叔跋孫叔敖碑名饒。今字書又作穀。○無佞穀梁作無駭。○裂繻公羊作紀履繻。○州吁穀梁作祝吁。○文十四年晉人納捷菑。公羊卽杵臼。○屠顏賈卽屠岸賈。○左趙盾弑彘。公作彘。彘。○昭元年齊國弱。公作國酌。○軒虎公羊作罕虎。○公作成熊。穀作成虎。○夷昧公羊作夷未。○郤宛穀梁作郤宛。○

伯舉公羊作伯莒。○陳孔與公作孔瑗。以古讀援如玩。○意如公羊作隱如。○弁瑀琴操作卞和。○焚冒勃蘇卽申包胥。見國策。焚乃申音。冒勃乃包音。蘇乃胥音。○知過人表作智果。○秦穆公時方欽善相馬。莊子作九方歛。通作譚音。因又音烟。李軌音烏兮切。又作九方皐。韻會作一名皇。孫恂作歛。洪洲但云九方甄。作九方皐。旣漏又誤。○薛燭說劒者。抱朴子作薛灼。文選注薛蜀。○癰疽瘡環說苑作雍睢。孟奇謂字書不相通。字書自不知古人之通也。趙岐謂瘡爲姓。孟奇謂瘡如巫尪之類。○顏讎由孔子所主。史記作顏濁鄒。師古注人表顏濁鄒。卽顏涿聚也。郭太謂左原曰。顏涿聚梁甫之巨盜。段干木楚國之大駟。卒

爲忠賢。注見呂覽。推讎由當與仇繇讎夷。鴟夷聲轉。似因人形而呼之。疑濁鄒二字。亦是古方言醜語也。○石經孟子靈龜卽蜺蜺。見楊桓六書統。○鬼谷升菴以爲卽鬼客區。又作史區。一統志曰。姓王名謝。洪洲作名詡。其實儀秦所師。乃託言耳。烏有先生也。○郁釐。史記杞文公卒。弟平公鬱立。索隱作郁釐。引譙周云。名郁來。然則青田之郁離子本此乎。○計然。計研。計倪。峯研。見史記及吳越春秋。卽辛文子一曰名鉞。研之訛也。○孟卯。卽芒卯。戰國策人。孟獲亦讀莽獲。古讀孟浪可証。○呂覽商文與吳起語相事。史記作相田文。與吳起語。漸子謂孟嘗封于商。愚謂嘗商音近相借。○召山韓子作仇繇。修文御覽引呂覽曰。

中山有風繇者。智伯欲攻之。遺以鐘。升菴引作風繇。則呂覽之訛本也。今本皆是風繇。女由又作吮由。○呂氏春秋。荆人飲飛刺蛟。或作次非。馬融頌引作茲飛。注卽飲飛。漢武以爲校尉之名。博物志注周日用曰。余嘗行經荆將軍墓。墓與羊角哀隣。昔安伯施云。爲荆將軍所伐。乃在此也。其地乃苑陵之源。求見其墓碑。將軍名軻。字次非。豈古先有壯士次飛。而軻慕之以爲字乎。此與管子之稱西施可互証也。○固乘新序作固桑。說苑作古乘。人表云。晉船人固來師。古曰卽固乘也。見黃朝英說。○景琰師古曰。子何反。卽景老。宋玉弟子也。今作差。洪洲載一作景慶。○南榮疇卽南榮趯。漢表作疇。而莊子注音趯爲疇。蓋侏張

卽併張古音通也。○徐市卽徐福。秦方士以童男女入海者。市卽古蒂字。故與福音通。陳水南曰。今倭之北京有徐福祠。亦自以福爲其祖也。金仁山言。日本云。吳太伯後。則吳亡。其支庶入海。○赤廩卽赤睂。王莽傳。○苦哂。賊名。見朱雋傳。九州春秋作苦哂。○悔母卽嫫母。○姐改黜。已卽姐。已字統作黜。已。說文有改女字也。自當爲姐。已而設。○公羊聖姜卽聲姜。○頃熊。公穀以羸氏爲熊氏。敬羸作頃熊。或曰秦姓羸。其先史作熊。渠熊通可証。○閭須。閭媿。閭姝。孟媿。明媿。閭娶。魏策曰。閭須南威之美。荀子。倂詩。閭媿子奢。莫之媒也。楚策。孫子賦。閭姝子奢。莫之媒。今七諫。謂閭媿爲醜惡。哀帝命隴廉與孟媿同宮。後語作明媿。

因孟訛爲盟。又訛爲明。集韻引荀子閭娶。則移體耳。○先施卽西施。古先西通音。國策魯連曰。豈毛嫱先施哉。七發使先施陽文。皆謂西施。管子西施毛嫱。盛怒氣于面。不能以爲可好。管子去吳越數百年。則古有此美人。而越女慕之爲名耳。莊子厲與西施。司馬彪注云。夏姬不知何據。或夏姬亦名西施邪。或曰。或吳時人。借此相美。洪洲曰。西施姓鄭名旦。此不足據。○羅紉卽羅敷。馬永卿言昌邑王妻中一人。嚴羅紉。紉音敷。智按漢書昌邑傳。臣敞故知執金吾嚴延年。字長孫。女羅紉。前爲故王妻。察故王清狂不惠。師古曰。紉音敷。此卽慕羅敷之名而名之。永卿引作紉。又見誤本。○有謂莫愁非女者。有謂曲名而以人當之。

者。盧家其一也。河中女其一也。焦澹園爭莫愁爲白門拘矣。宋曾三異以石頭城在楚之郢中。今有莫愁村。智按三異說是。但石城爲今承天。承天非郢中。乃後周改爲郢中耳。三異又云曾見莫愁之像。有石本。衣冠甚古。乃古之神仙者流。非女子也。此姑勿論。石城樂臧質爲竟陵時所作。莫愁曲云。聞歡在揚州。相送楚山頭。楚山必在楚。澹園謂揚州近白門。則承天之客。不下揚州乎。唐人詩村近莫愁。連竹塢。人歌楚些下蘋洲。則莫愁屬楚。梁武樂府云。河中女兒名莫愁。洛陽亦有莫愁。洎記云。莫愁乃曲名。而以人當之。仁寶言宋有蘇小小。武林小說言自古至今。凡有二十許名小小者。可以爲澹園爭莫愁解嘲。

有無字無名而後人考出者。○青陽帝舜。高密。少昊名摯。字青陽。帝舜名舜。成湯字高密。見帝王世紀。按山海經以帝俊山林爲舜林。而帝俊生后稷。郭璞注又以爲摯。得毋附會者因此兩訛邪。虛舟先生曰。古書錯訛。未可盡信。推論俊與舜聲近。○虞幕爲舜所自出。鄭語桓公爲司徒。問於史伯。中云。虞幕能聽協風。以成樂物。生者。韋弘嗣注。虞幕者。舜之後。虞思也。按虞幕爲舜所自出。史趙曰。自幕至於瞽叟。無違命。舜重之以明德。觀自幕至叟。及舜重之之語。則非舜後明矣。三國志韋昭字弘嗣。吳雲陽人。晉史作曜。避晉諱也。○許由槐里人。見莊子釋文。何子元云。字武仲。茂先謂司馬遷云。無堯讓許由事。楊子雲亦云。誇

大者爲之。尚論曰。舉爲四岳而辭。智按。無據。傳曰。許大岳之後。許由亦棄官而隱者耳。○皐陶字庭堅。或引左傳。皐陶庭堅。不祀。忽諸竝稱。則疑非一人。皐陶一作咎繇。鍾繇字元常。取咎繇。陳謨彰厥有常之義。世說。庾翼謂鍾會曰。何以望君。遙遙不至。蓋戲其父諱也。今人讀由非。○孤竹君姓墨。名台。見孔叢子。注。伯夷名允。一名元。字公信。叔齊名智。字公達。見論語疏。正義引。春秋少陽篇。或曰。姓墨胎氏。或曰。其父名初。字子朝。姓纂。墨氏。卽墨胎。音肴。孟奇曰。國名。記墨台。卽禹之師。一曰墨怡。孔叢子。注。孤竹又有子。名伯遼。陳繼儒撰逸民史。而不能詳夷齊名氏。故爲補之。智按。地道記。孤竹在肥如南。秦爲離支。漢爲令支。齊

桓魯至其地。今山海關北十里有孤竹君墓。凡此皆附會。原當彷彿聽之。後周遼西人。怡峯云。本姓默台。○子產一名美。見左傳注。或云字子美。宋人詩話言人譏東坡詩。用子美。不知正謂子產。○易牙名巫。見孔穎達左傳疏。何子元云。名亞。則牙之轉音也。巫又亞之訛。古牙與互通。或音之訛。揚子作狄牙。不能齊不齊之口。卽易牙也。○文種字子禽。見吳越春秋。呂覽注云。文種字禽。楚鄆人。○孟軻字子輿。又字子居。見漢書。竝孔叢子。又聖證論。字子居。曾參字子輿。參當音叅。乘之駮。今讀爲森。子居或是車訛。車因輿訛。○孟子父母。孟子父孟孫激。公室母姓仇。妻姓由。智按古掌字作爪。有反爪爲爪之說。玉篇續考與字彙

皆作仇。皆因梁四公子之仇。晉有琅邪掌同。前涼掌據。○
陳仲子字子終。見皇甫謐高士傳。○失馬塞翁姓李。見高谷詩
序。此寓言也。而後人實之。○莊子字子休。見列子注。成元英疏。
○杜康字仲寧。見魏武短歌行注。○西陽祿俎吳剛。李賀詩作
吳質。○叔孫敖名饒。費補之云得延熹碑。封潘鄉。今固始也。歐
陽公集古表之。○漢太公名熅。又名熅。後漢書注。高祖父名熅。
皇甫士安曰。名熅。字執嘉。元美引作名熅。馬永卿曰。唐宰相世
系表。叙劉氏所自出。言從大梁徙沛。生仁號豐公。生儒。字執嘉。
卽太公。儒音湍。○項伯名彊。字伯。見漢書注。○孔蔡卽叢字。表
有蓼夷侯孔蔡。以執盾。前元年從起碭。師古曰。前元年。謂初起。

之年。胡亥元年也。此卽史記所謂孔將軍居左者。○叔孫通名何。見楚漢春秋。○曹參字子敬。見博物志。史記注。參字敬伯。參以敬言。故音駮。益知曾參之名。以參與音駮。○丁公名固。見楚漢春秋。○申公名培。見史記注。○轅秉。崔廓。朱暉。周述。高士傳。東園公。姓轅。名秉。字宣明。或云姓國。姓庚。姓韋。夏黃公。崔廓。字少通。或云名廊。綺里季。朱暉。字文季。或云吳實。字子景。角里先生。周述。字元道。或云字道元。又按東觀餘論。園作圈。匡繆正俗。有圈稱。陳留風俗傳云。自序圈公之後。爲秦博士。避地南山。惠帝以爲司徒。今得漢石刻有云。圈公神座。綺里季神坐。姓字書多以圈爲園公之後。周密又引留侯世家。注東園公。姓唐。又言

太伯之後周述字無道元无相近也玄元相近而唐人避諱以玄爲元通考所云姓庚唐之訛也姓韋乃袁之訛也崔廊廊之訛也又按周密引元道作无道而今本史記注皆作元道又索隱引陳留志園公姓唐字宣明夏黃公姓崔名廣字少通角里先生姓周名術字元道京師號曰霸上先生孔父秘記作祿里皆王勃據崔氏周氏譜及陶潛四八目而爲此說○壺關三老茂姓令狐見荀悅漢記令狐氏譜引之○侯芭字鋪子見論衡○楊王孫名貴見西京雜記○伏生名勝字子賤見西漢碑蓋祖伏羲與宓子賤字說家言宓處非一字而古人借聲从矣○侯黼葉少蘊云漢金卿侯長君碑云諱成字伯盛防人當漢之

興濟太上皇子鴻溝。謚安國君。曾孫黼。封明統侯。光武中興。玄
孫霸爲大司徒。封於陵侯。此漢書所不詳者。智按。從無黼字。當
卽黼字耳。○張夷。陳心叔名疑曰。東方朔本姓張氏。父名夷。字
少平。一曰金氏。朔母田氏。生三日。母亡。鄰母拾之。東方始明。曰
東方朔。見太平廣記。○黃子廉。黃潛筆記陶詩。昔有黃子廉。注
引黃蓋傳。南陽太守子廉之後。按黃香之孫守亮。字子廉。爲南
陽太守。○梓潼文君名參。成臯令任碑名胤。東觀餘論曰。文翁
學生題名碑。其郡望有云江陽寧蜀。遂寧晉原。以晉書志考之。
江陽蜀置此郡。寧蜀遂寧晉原皆是。宜武平蜀後置。周公禮殿
記云。甲午年故府梓潼文君。不審文君之名。予云。華陽國志載

文參字子奇梓潼人平帝用爲益州太守記中文君乃此人也
甲午乃光武建武十年云且如漢成臯令任碑云字伯嗣又論
水經與漢碑刻不同者多如王純碑道元注云王紛碑又州輔
碑道元注云周苞如表良碑道元注云袁梁又爲蜀國都尉王
君碑道元注云蜀都太守姓王字子雅又按文翁名黨字仲翁
見張崇文歷代小誌○許靖爲子將從兄卮言曰真誥謂蜀司
徒許靖字文休是長史六世族祖徵士邵字子將是五世族祖
尤誤按子將于文休爲從兄俱知名竝有人倫之稱而私情不
協子將爲郡功曹排擯不得齒叙以馬磨自給今注似靖與邵
父子何也黃長睿欲引以證黃庭之誤邪○曹瞞一名吉利通

鑑許攸呼操曰某甲三省注操一名吉利○曹黠三國志注裴松之曰一狗憑默作疽囊按陸魯望小名記作一狗憑黠作疽囊以今測之當以黠爲是○楚狂接輿名陸通見莊子注智按列仙傳食橐盧木實及蕪菁子隱峨嵋尸子曰接輿耕于方地卽黃城山楚詞曰接輿髡首聖賢冢墓記黃城山卽沮溺耕處下有東流亦名苦菜山○臣瓚姓傳史記集解多引臣瓚裴駰言臣瓚莫知姓氏索隱以爲傳瓚而劉孝標以爲于瓚穆天子傳目錄云傳瓚爲校書郎與荀勗同校定穆天子傳何法盛傳于瓚不言有注漢書之事按文紀注臣瓚引祿秩令及茂陵書姬并內官秩比二千石茂陵書祿秩令此二書亡失不得過江

明此當是晉中朝人。當是傅瓚。墨莊漫錄曰：校書郎中傅瓚，乃荀公曾和嶠所部校。穆天子傳：官屬也。故取此傳以注漢書曰：臣瓚，魯販彥和亦云云，可爲確証。○君苗姓應，舊云君苗無姓。按應瑒有與從弟君苗書，則應氏昆仲矣。陸士龍與兄書曰：君苗見兄文，欲燒筆硯。○花卿名敬定，見舊唐書。元瑞以子美贈花卿，自是歌者。○張璪，卽僧一行，見續博物志。剡國公謹之孫，武功令檀之子，嫉武則天，出家嵩山。至天台國清寺，得算術。玄宗迎入光泰殿，辭官，出華嚴寺，定大衍曆。從幸新豐，端坐而逝。年四十四。謚大慧大師。建塔銅人原。始安張鳴鳳西遷注曰：新安西三十里，闕門鎮青龍山，有薛敦禮一行大師塔銘，爲張曲。

江公季子。蓋唐有兩一行。皆姓張。此則沒于元和間。○無名僧
是梁補闕宗殆。山谷云。後周以美官誘之。誓七不可。○東坡之
號蘇因白也。洪邁曰。白樂天在忠州。有東坡種花二詩。步東坡
詩。子瞻自叙曰。平生自覺出處老大。粗似樂天。非東坡之名。偶
爾同也。張和仲云。東坡祖名序。故作叙。王介甫初字介卿。父名
蓋。故作蓋。又曰。老泉是子瞻號。智按。允明嘉祐集。十數年前有
一老翁。蒼頭白髮。偃息泉上。就之。則隱而入于泉。洵發建亭而
爲之銘。眉州志。老翁泉在驀頤山東二十里。或允明時書其地
名。而子瞻落款時。亦偶書此地名耶。○飯伍員之女子。姓史。陳
寔兩山墨談言。吳越春秋。瀨上擊綿女子。發其飯漿與員。投水

死女子無姓氏。徐天祐亦無注。今讀李太白貞女碑。乃知女子
史姓。溧陽黃山里人。清英潔白。事母純孝。手柔荑而不龜。其自
投時。年三十矣。自守未適。唐時立祠其地。云。溧陽今名三場蕩。
云子胥報恩。以金豆投之。水涸時。有得金豆者。人用之。卽不利。
○衛夫人名鑠。字茂漪。見翰墨志。李矩妻。充之母。恒之從妹。詳
書法條。右軍師其法耳。後遂僞作弟子王逸少之帖。○綠珠姓
梁。白州人。見小傳。今廣西志載之。博白縣綠珠井。在雙角山下。
生女汲此水洗之。

有姓名異音者。○數手。舜妹。史記正義親戚。謂弟象妹。顓手等。
顓古果反。人表作數手。舜妃女英作女嫫。孟奇引說文畫嫫。舜

妹也。史正義作顗。又云繫畫始于嫫。故曰畫嫫。○女趨禹妃塗山氏女。生啓。師古曰趨丘遙反。○不窟奔之子也。師古曰窟竹出反。曹參之子名窩。注音張律反。此一音也。○慶誦。鬻子曰湯得慶誦伊尹。湟里且東門虛。南門蠕。西門疵。北門側。七大夫。人表有慶節。公劉子。湯時人。或曰卽誦。毛晃音怖。又平聲。上聲。誦也。博雅曰誦諫也。五燈有禧誦禪師。曹操遣王誦拜孫策。策求將軍號。○隤歎音頽哀。○左哀二十一年有史黯。音於咸切。升菴曰汲黯亦當讀平聲。智以古每字四聲。亦當旁轉。特不盡用。黯之平聲是古時之讀法。或注者之方言。重其聲則爲上聲。何必爭長孺之名乎。黯與闇暗俱通。亮陰作諒闇。康成讀鵠則闇。

卽菴音。古讀暗上聲。今中原呼暗去聲。凡如此類。學者但當知其原委。不在強從舊讀。卽用之詩賦。亦不必以古叶爲奇也。咸亦有上聲。漢咸宣卽減宣。○檣杙。檣音稠。升菴曰。史記上有檣蒼。下有伏龜。徐廣音稠。左傳檣戢。漢書藝文志有公檣生。師古檣直由切。獨孟子檣杙音濤杙。蓋因陸德明九經釋音而誤也。智按古蕭尤二韻相轉。○寅音貞。周齊王子。○諸盭音宙。執之第三聲。如西安盭屋縣。則第一聲也。○狼蹕。蹕音沈。此侵韻轉上聲。卽沈字亦可平可上。○庚霽音叔。晉人。○曹劓時。師古曰。卽曹欣時。劓許其反。各字書無劓。惟龍龕書名作劓。丑脂切。又未引此名。○王子翬。音擬。隸作薤。盛兒靈光賦。芝栢攢羅以戢音。

晉西河王子喬。籀作晉。集韻作𠂔。又音弋八切。○轉注略戰國策人名有周最。才勾切。从日。从取。若最則从目也。愚謂此亦後人好事。○嫪毐音勞靄。升菴引俗言嫪嫪。卽此嫪字。趙氏言毐以此得聲。當讀如反字。戴氏讀如倒字。說文从士。因其謂人而臆說也。○酈食其。音歷異飢。審食其。趙食其。皆然。此蓋當時語。○鍾離昧。昧莫活切。投韓信者。今多誤作昧。○顓音外。漢北平侯顓。此卽說文聾。與呂覽顓涿。可以互推。○晁錯音措。史作鼂錯。文中子作厝。玉海引隋志朝錯集三卷。卽晁錯。○僕黠。黠音黠。黠音丁葛反。漢表有易侯僕黠。○金日磾。封秭侯。秭音妬。日磾音密低。後漢有馬日磾。○李琴。卽琴字。音琴。王莽掌牧大夫。

春秋有費庠父。○李催古岳反。與郭汜同亂。今或誤讀作催。○
鍾迪鍾會誅。原毓子迪。官爵如故。裴松之曰。迪。物連反。今韻書
皆失載。○吳孫休創八字。名其子。寧濟苒迨冀航舜賢鉅莽昱
舉寇褒樊擁按昱疑是昱。孫恂屋韻有鉅。注吳王孫休三子名
音祿。此時漢派以五行相傳。禮部書名皆以字配金木水火土。
後世又增無數奇字矣。○趙眴牧捷。遣使建康獻雜書。及敦煌
趙眴所撰甲寅元曆。各字書不載眴字。智謂卽斐。魏書李業興
傳。以世行趙眴曆。節氣後辰下算。从匪文作眴可証。○郭磨音
偷吞反。姚秦時人。善術數。○仝定。說文曰。人在山上也。唐韻音
市連切。輕舉兒。見蕭梁紀。有梁仝定。爲下所殺。比史有泉仝。西

魏上洛公。○梁四公子傳。一曰蜀闖。

上音攜下音琛入聲

二曰魏杰。

上音萬入

音下三曰裁端。

上音願下音湍

四曰仇啓。

上音掌下音親

託名沈約。可咲也。○

曹紹蔓。劉餗隋唐嘉話曰。曹紹蔓。沈之弼。皆爲大樂令。監享御

史有怒于蔓。而襍扣鐘磬。蔓暗名之。無誤者。蔓是夔訛。○李陽

冰音佞。以公爲水。冰卽凝。凝本去聲。戴氏以爲公不成文。故加

水。當立凝字。宣和書譜。陽冰字少溫。趙郡人。可知其名爲冰。○

于頔音廸。唐山南節度。○懶殘可平聲。子元曰。東坡次韻毛滂

芋火對懶殘。懶字作蘭讀。○柳玘問奇集音駢。因廣韻也。智按

說文玘步因切。孫愐云。又作蟪。而蟪珠妣嬪。有讀駢者。以古真

先韻通也。○李昇音弁。南唐主。宋有都轉運使李昇。興造西內。

通雅
卷之二十一
三十一
○劉龔劉鋹龔音儼南漢主自取飛龍干天之意鋹音敞降宋
○馮莖音坤宋名將朱氏古文奇字載莖古坤字○張湜音昊
清兒趙宋時有張湜字清源單父人著雲谷雜記○万俟高音
墨其屑諂秦檜者唐有万俟著因万俟之部落而爲姓北史有
万俟支派

有引古人訛或時代誤而證出之者○大師疵少師疆史記列
大師疵少師疆于師摯八人之後誤合兩事爲一智又按史記
抱祭器歸周者卽太師疵少師疆而尚書微子篇亦稱父師少
師故訛傳微子抱祭器歸周弋說曰商立微子周立伯邑考則
已矣微子去國最先不可以抱祭器歸周掩之以爲全宗祀者

非也。今得此證最快。○箕子名胥餘。比干名胥餘。見尸子。莊注司馬彪曰。箕子名胥餘。于莊本文不複耶。○君陳爲周公之次子。索隱云。周公元子就封于魯。次子留相王室。代爲周公。按卽君陳。○重黎爲火正。後或分合稱之。而復以其名名之。宋黃朝英絀素襍記曰。左傳以重爲少皞氏叔。黎爲顓頊氏子。則二人也。遷謂重黎爲顓頊之曾孫。是一人也。按律曆志。火正犁司地。幽通賦云。犁醇耀于高辛。皆其證也。又許慎注淮南子云。祝融顓頊之孫。老童之子。吳回也。一名犁。爲高辛氏火正。一云老童卽卷章也。按楚世家。犁先祝融。其後吳回代之。則許慎誤矣。智謂古稱多同。或先有二人名重黎。或古重黎爲官名。或又因名

名之。又按蘇子由古史云重出于少昊。黎出于高陽。當高陽之世。重黎實二人。至帝嚳世。火正兼稱重黎。重黎誅而以吳回爲重黎。然楚之先實黎而非重也。又曆書曰顓頊受之。乃命南正重司天以屬神。命火正黎司地以屬民。是遷亦以爲二人。○共和不一。舊說爲共平伯和伯。或曰又有周召秉政。一曰古有共伯名和者。厲王世之賢諸侯也。諸侯皆往宗焉。因以名其年。謂之共和。凡十四年。按汲冢紀年。共伯和干王位。故曰共和。左傳王子朝奔走告于諸侯。曰厲王戾虐。萬民弗忍。居于蕞。諸侯失位。以間王政。宣王有志而後效官。則厲宣之間。諸侯有去其位而代父爲政者矣。莊子曰共伯得乎丘首。釋文云共伯在河內。

共縣西魯連子云共伯後歸于國逍遙得意共山之首郡縣志
衛州共城縣本周共伯國共伯奉王子靖立爲宣王共伯復歸
于國按正義以史記爲二人者是莊子註司馬彪曰共伯名和
修餘言與魯連子同王伯厚主魯連子說而王元美疑之衛州
共城縣兩漢方有之魯連亦曆書也○闕止字子我卽宰我遷
不誤也宰我死難而曰與田常爲亂則誤矣東坡言之京山詳
之○竇鳴犢舜華爲二人此史世家所載家語曰殺竇犢鳴犢
及舜華索隱曰竇犢字鳴犢琴操與史同戰國策顏師古說二
人曰鳴犢竇犢說苑曰趙有鐸名竇犢舜華或作慶華通考但
云作鳴鐸作慶華按以鳴犢爲字與犢甚叶索隱說是○古今

人表誤分士會范武子爲二人。宋陳善捫虱新話曰：范武子，士會也。而古今人表置士會于中上，裂武子于上中，名且未識，能定其高下乎？法言曰：昔者顏回嘗晞夫子矣，正考父嘗晞尹吉甫矣，公子奚斯嘗晞正考父矣。此亦子雲之誤。據正考父本非作頌之人，而公子奚斯者，又但作寢廟而已，何所晞之有？其後王文考魯靈光殿賦，便云奚斯誦僖歌其路寢，此又可咲。然其誤已自子雲始。智按此言人表之誤是矣。後說子雲文考誤不當。古人語活，豈必正考父作頌而後晞之乎？又按人表兩士鞅，一在上中，一在中下，同時不遠，同名者或有，然不著名之人，又何取列之？以此知其誤耳。或曰：人表是孟堅未竟業之書。○匡

續字子孝。隱廬山。漢或封之。故名匡廬。此載志書。吳魯引志字君平。又皇輿考。方輿勝略。廣輿記。皆作匡俗。且有云字子希者。萬姓統譜作匡裕。唐類函亦作匡裕。按字子孝。則取似續之意。當以續爲是。俗乃音之訛。希乃孝之訛。裕乃俗之訛耳。子孝兄弟七人。隱廬。周時人。元瑞以匡俗子希在玉笥。匡俗子孝在匡廬。又字君平。又字公季。此皆不悟前人之附會耳。○朱龜朱虬。漢隸朱龜碑。升菴作侏龜。音虬。智考諸金石無作龜。又碑文全在龜字。伯靈可証。龜茲音丘慈。則古龜與丘通音也。○田子春。仁寶曰。淵明詩聞有田子春。節義爲士雄。謂劉澤傳之田生也。晉灼曰。楚漢春秋田生字子春。後人乃附會田疇字子春。智按。

三國志疇字子泰。各本皆然。而李氏藏書以疇字子春。詳陶擬古詩曰。辭家夙嚴駕。當往志無終。問君今何行。非商亦非戎。聞有田子春。節義爲士雄。斯人久已死。鄉里習其風。田疇乃無終人。後入徐無山。淵明所指正田疇也。田疇重春。故字子春。陶去三國世近。當確。今監本承訛耳。晉諱春。故孫盛名晉陽秋。○董無心。漢藝文志儒家董無心一卷。注稱難墨子。歷朝載之。宋吳秘嘗爲注釋。今其書不傳。馬總意林引纏子云。董無心者。言修而謬。蓋纏乃墨家。貶董自尊也。渙仲謂無心爲墨氏弟子。誤矣。○書史誤載陳驚坐。書史陳遵字孟公。三爲二千石。封嘉威侯。善篆隸。又云杜陵陳遵。西漢人。善篆隸。每書一坐皆驚。時人謂

之陳驚坐。又云五十六種書。周法象書。因素鱗躍舟所作。又云漢成遊昆明池。學士陳遵所作。不覺失笑。此緣唐張彥遠愛寶法書要錄而然也。齊王僧虔錄羊欣采古來能書人名列之。然止曰杜陵陳遵。而不別列三爲二千石之陳孟公。則知羊欣張彥遠所載。卽真孟公一人也。前書陳遵在游俠傳。字孟公。杜陵人。善書。與人尺牘。人皆藏去。以爲榮。韻會引爲藏弄。而新都虞公嘗用之。卽此事也。傳又曰。有同遵名字者。旣而非是。號爲陳驚坐。今以每書一坐皆驚。謂之陳驚坐。誤矣。敬元豈不讀漢書邪。或當時有小說而誤信之。愛賓因之。至鉅昌又載云。漢成遊昆明。學士陳遵所作。則陋甚矣。漢安得有學士之官名邪。○陳

仲躬野客叢談陳寔仲弓碑字仲躬鄧艾碑作父古字通用石經父用三德爲艾用三德是也洪氏謂借作弓正以古人通用孟奇謂洪誤則必當改仲弓爲仲躬邪○有四世之字五世之字六世之字孔平仲言王羲之子徽之徽之子楨之三世之字元美以右軍子六世之字智按南史王悅之父靖之祖獻之乃四世之字王裕之父茂之祖胡之裕之之子瓚之瓚之子秀之此五世之字其六世者王彪之子臨之臨之子納之納之子准之准之子輿之輿之子進之平仲固陋而元美亦誤○鑑誤以蕭方等爲簫方盧鴻一爲盧鴻佛方等經蕭取爲名著三十國春秋厚齋云綱目誤去等字盧鴻一取視雁者以爲鴻以爲乙

而鑑誤去一字。○蔡融來鵬。長睿謂二人皆唐人。見丹陽集。元瑞以二子皆晚唐人。融集見通志略。鵬集今尚傳。丹陽集殷璠所輯。十八人。皆高岑先後編次之時。二子蓋未生也。智按東觀餘論作來朋。或當時更見一丹陽集邪。○虎溪三笑。本不同時。白蓮結社。亦不必一日聚也。楊鐵崖疑三笑。智按宋樓鑰以吳筠簡寂觀碑斷矣。王禕曰。晉義熙十二年丙辰。遠公八十二卒。宋元徽五年丙辰。陸修靜七十三卒。相去六十載。元嘉末陸來廬山。遠陶殆二三十年。安得三笑。自長公作三笑圖贊。而山谷實之。又考東林結蓮社。在晉或太元十五年庚寅。至義熙七年辛亥。生公入社。宋景平元年癸亥。周續之四十七卒。元嘉二十

年癸未宗炳六十九卒戊子雷次宗六十三卒當結社歲續之
才十三炳才十四次宗四歲耳蓋總計也一日佳話聽之可
禮三不諱雅音無避後世諱名大泥隔代猶避之謬矣○諱名
說曰郝京山云秦皇名政發正月之聲正言爲端言漢高名邦
改國呂雉改野雞文帝名恒改常山景帝啓改微子開武帝名
徹改蒯通通侯宣帝名詢改孫卿光武名秀改茂才明帝名莊
改老嚴鄭嚴殤帝名隆改隆盧爲林盧安帝名慶改慶氏爲賀
氏吳太子名和改禾興爲嘉興晉文名昭改韶穆明君三國志
愍帝名業建業改建康簡文鄭后名阿春春秋改陽秋富春改
富陽田子春爲子秦梁武名阿練呼練爲絹隋煬名廣廣陵爲

江都唐高祖名虎虎賁虎林改或避太宗改世爲代民爲人民
部爲戶部高宗名治改理代宗名豫豫章改鍾陵宋英宗名曙
薯預改爲山藥唐德宗名适括州改處州石晉敬瑭拆敬爲文
氏苟氏孝元后父名禁改禁中爲省中劉安父名長淮南書長
改修遷史改談爲同李翱祖父名楚金改今爲茲晉世子毗毗
陵改晉陵錢鏐改石榴爲金櫻劉氏改金氏楊行密時呼蜜爲
蜂糖賈魯以父名至中不拜中書舍人李賀父名晉肅元禎譏
之不赴進士柳公綽以祖諱不拜禮計尚書李涵爲太子少傅
呂滑劾其不避父名劉溫叟以父諱嶽不聽絲竹桓氏以王忱
呼溫酒流涕嗚咽劉道隆索鳳毛謝超宗徒跣還內由是論之

當法孔子二名不偏諱言微不言在是也孔安國鄭氏曰讀書正言其音毋有所諱文王名昌詩雖曰克昌厥後書曰使羞其行而邦其昌周禮曰昌本之俎或王名發詩噫嘻曰駿發爾私商頌曰長發幽風曰感發成王名誦而崧高曰吉甫作誦厲王名胡而宣王詩曰胡不相畏胡爲虬蜴后稷名棄書大誥曰弗棄基莊公名同而書同盟僖公名申而書戊申定公名宋而書宋仲幾孔子父叔梁紇而書臧孫紇獻或廢二山而具敖亦錯見左傳也詩書不諱臨文不諱廟中不諱卒哭乃諱如子滿之不當臨哭呼滅周人不得斥言文王昌或王發耳

通雅卷之二十終

